

NKHUVO WA TINANGA

 A hi korhamiseni tinhloko ta hina. Hosi, swi tshama swi vuriwa nkarhi wun'wana, hi vadyondzisiwa va Wena lava rhandzekaka, "Hi dyondzisi ku khongela." Hikuva loko hi vona Xikwembu lexi kulu xa Matilo, hi lemuka hilaha hi nga enelangiki hakona. Swingaleswi hi dyondzisi ku khongela, Hosi, etimbilwini ta hina sweswi, hikwalaho ka swilo leswi—leswi nga tava leswi vuyerisaka eka Mfumo wa Wena na le ka malandza ya Wena. Wena u tiva xilaveko xa munhu un'wana na un'wana lahawani.

² Kutani laha edesiken, mixo lowu, i swidukwani na tifasikoti, na swiphaselani ku suka eka lava nga na swilaveko swa mpfuneto wa le mirini, na wa le kaya, na hambi ku ngava kuri yini. Kambe Wena u Xikwembu, nakona u Xikwembu xi ri xoxe, Xikwembu xin'we ntsena lexi nga kona xa ntiyiso. Nakona ha Ku kombela hi Vito ra Yesu, N'wana wa Wena loyi a rhandzekaka, leswaku U ta horisa un'wana na un'wana wa vona. Na swona ku ngava kuri na van'wana lahawani lava nga riki na swidukwani, kumbe phasele, lava lavaka ku horisiwa.

³ Ku ngava kuri na van'wana le handle ku tsemakanya matiko, ku rhendzeleka na misava, lava hambi kuri thepi yi nga hlanganaka na vona emakaya ya vona kumbe etikerekenei ta vona. Hi nga ha khongela, Hosi, leswaku loko ntirho wa haya emahlweni, eka—eka... kumbe loko thepi ya hari eku tlangiweni, kumbe hambi ku ngava ndhawu ya njhani leyi hi nga vaka eka yona, kumbe—kumbe xiyimo, ingaku Xikwembu lexikulu xa le Tilweni xi nga xixima ku tshembheka loku ka timbilu ta hina mixo lowu, na ku horisa lava nga na swilaveko, xi va nyika leswi va swi lavaka.

⁴ Hi katekisi sweswi eka ntirho lowu taka. Vulavula hi hina, tani hilaha swi nga si tshamaka swi va kona, hikwalaho ka Mfumo wa Xikwembu. Ha rindzela, hi Vito ra Yesu, eka nhlamulo ya Wena. Amen.

⁵ Xana mi nga ndzi pfuna hi leswi? [Makwerhu Branham a susa maphasele ehenhla ka phulupiti—Muhleri.]

⁶ Swi kahle kuva kona ekerekeni nakambe mixo lowu. Nakona a ndzi ri eku vulavuleni na vanghana van'wana lava nga ha ku nghena ku suka eOhio, eka xinhwanyetana, lexi a xi tisiwile lahawani eka tin'hweti tintsongo leti nga hundza, lexi a xi ri ekufeni hi vuvabyi bya ngati. Vanhu va kona a va swerile swinene, vatswari va kona. Na swona a ndzi vanga na nkarhi mixo lowu wa ku hlaya e—e vumbhoni lebyi yaka efayilini. Kambe ku na xifaniso xa xinhwanyetana endzaku ka masiku manharhu, ndzi tshembha leswaku a yari wona, endzhaku

ka loko xi khongeleriwile. Madokodela ya xi nyikile masiku manharhu yo hanya, kutani endzhaku ka masiku manharhu a va kumanga na hambi kuri nthalo wa byona. Swingaleswi xi le xikolweni, xi tsakile swinene. Ndza tshembha leswaku kereke ya ha swi tsundzuka loko hi ri na xona kwala ekamareni.

⁷ Na xonavu xihlangi lexi tswariweke na marhumbu, tani hi loko, ya ri ehandle. Hi ndlela yin'wana madokodela, na xiyimo lexintsongo hi ndlela leyi marhumbu a ya vumbekile hakona, a ya nga ta tlheriseleka endzhaku nakambe. A va chava ku khumbha nchumu lowuntsongo, wa hari xihlangi lexi nga ha ku tswariwa. Kutani sweswi, nakulorhi lontsongo u na lembe hi vukhale, ndza tshembha, swin'wana swo kotisa sweswo, na marhumbu lama nga ma ntoloveloo, hinkwaswo hi leswi tololekeke hilaha swi nga vaka hakona. Kova ntsena tintswalo ta Xikwembu, sweswo hi leswi Xi nga kahle hakona eka hina.

⁸ Sweswi, namuntlha, a ndzi lava ku tivisa leswaku nhlengeletano leyi a hi ri eku yi kunguhateni, leyi a ndzi ri eku kunguhateni kuya eka yona eka vhiki leri landzelaka e—e Afrika, na Makwerhu Joseph Boze, eKenya na Tanganyika. A hi nge swi koti kuva na nhlengeletano, hi thelegram leyi humaka eka Makwerhu Boze, "Vhiki leri hundzeke nharhu wa vamixinari va hina va gevengiwile, na ku dlayiwa."

⁹ Nakona va na dzolonga sweswi lahaya. Na swona makhomunisi va le ku ngungumeriseni ka swibalesa eka vaaka tiko, va ri karhi va koxa leswaku va na swikwekwetsu swa tihlampfi leswi tshameke kwalahaya, Red China na Russia; na ku yisa swibalesa eka vaaka tiko, nakona a va tivi swo antswa ku tlula ku swi tirhisa eka xin'wana na xin'wana lexi va vonaka ku swi tirhisa eka xona. Swingaleswi, kwalahaya, e—e—e mfumu wu vonile leswaku a ku nga tava vutlharhi kuva na nhlengeletano hi nkarhi lowu. Na swona hilaha ndzi twisisaka hakona, na swonavu, leswaku Makwerhu Boze a ngaka a nga xi pfuli xikolo xa yena endhawini leyi, laha a ndzi ya kona, hi nkarhi lowu. Kambe a yi herisiwanga, yi lo yisiwa emahlweni kukondza ri vana ku rhula nakambe.

¹⁰ Ndzi tsakile swinene ku mi vona mixo lowu, exikarhi ka hina nakambe, eka malembe yo tala mi ngari kona, Makwerhu Jackson, Makwerhu Sidney Jackson na Sesi Jackson, ku suka eAfrika Dzonga. Va vulavurile xana? [Makwerhu Neville a ku, "Ina."—Muhlerli.] Na swona vanhu lava a vari vaboti na sesi wa mina va xiviri, na vatirhi kulobye eka pfhumba ra le Afrika Dzonga, eka rendzo ro hetelela kwalahaya. Leswi, hi tshembhaka leswaku siku rin'wana, hi tintswalo ta Xikwembu, hi ta tlhelela eka vona nakambe, hikuva swa laveka.

¹¹ Kutani ndzi ringetile ku ringana ka nkaye wa malembe ku tlhelela kona. Kambe, emphakeni ya mavandla, na swin'wana, a va nga ndzi pfumeleli ku tlhelela kona. Swingaleswi ndza ha

ku va tsalela papila, ndzi ku, "Kutani ngati ya mimoya yaleyo yo lahleka a yi ve ehenhla ka n'wina nakona ku ngari eka mina." Hikuva, ndzi pfumela leswaku Xikwembu a xi lava ku tirhisa vumixinari bya mina kwalahaya, eka vanhu lavaya, eka nkarhi wun'wana. Kutani hikwalaho ka ku hambana ka vona ka xidinominexini, a va nga ndzi pfumeleli ku tlhelela. Kambe, swi lunghile, Hosi yi ta vonana na swona.

¹² Sweswi, leswi ndzi navelaka ku swi vula mixo lowu, leswaku loko Hosi yi swi rhandza, Makwerhu Neville u ndzi komberile kuva na xikhongelo vusiku lebyi, nakona eTabernakeleni. Swingaleswi hi... Ma rhambiwa. Kutani Sonto lowu taka, loko Hosi yi swi rhandza, ndzi tava kwala, na minavu; kutani kumbexani eka timbirhi kumbe Tisonto tinharhu, hikwalaho ka ku ka ku nga tava kona ka leswi, kuva kuri ku herisiwa ka nhlengeletano leyi a yiri eku endliweni.

¹³ Sweswi, nakambe hi rhandza ku swi vula, leswaku, ndzi virule leswaku ndzi ta chumayela Tinanga ta Nkombo hi nkarhi lowu. Hi tivutisile hilaha a hi ta swi endla eka nkayivelu wa makulelo ya muako na ku tsandzeka ka xiphyuphyisi, ku hava moya endzeni ka muako. A wu se lulamisiwa eka xiphyuphyisi. Nakona hi ringetile ku rhenta xikolo lexi nga kwala, lexi nga na swiphyuphyisi, lexi amukelaka kwalomu ka... Oho, a ndzi swi tivi, i nhlayo ya vutshamo bya kahle, i xikolo xa kahle swinene. Kambe a hi kumanga nchumu.

¹⁴ Na swona, a xi ta, a va ta hi nyika vhiki leri taka. Kambe, vhiki leri taka? Wa vona, ku na vurhumiwa lebyi humaka etindhawini to hamba-hambana ta misava; ku suka eJamaica, na ku suka eIslands, na ku suka edzongeni, hambi kuri eSouth Amerika, na Canada, na Mexico, na ku tsemakanya matiko. Nakona hi rhumerile switiviso hi Musumbhunuku, kutani a va nga ta swi kuma ku fika hi Ravunharhu kumbe Ravumune; kutani hi fanele ku kombela nkarhi wo wisa, na swin'wana, lowu nga ta swi cukumetela ekule.

¹⁵ Mayhiki lama landzelaka, kuya emahlweni, ku fika hi nkarhi wa xikolo, hi leswaku, a mi ta fanela ku xi teka vusiku byin'we, kutani mi xwa vusiku byin'we kumbe byimbirhi, kutani mi tlhelela nakambe, kutani... Ntsena a hi nga ta swi kota ku endla sweswo. A mi nga ta swi fikelela.

¹⁶ Ndzi tivutisile leswaku hikokwalaho ka yini, loko ndzi tava ndzi khongerile hi ku tshembheka. Kutani i nkarhi wa kuva hi tlhelela eArizona nakambe, kuva vana va ta nghena xikolo. Kutani hi... A ndzi vulavula na nsati.

¹⁷ Nakona, hi swona, tolo ndzi yile ekamareni, ndzi ku, "Hosi, ndzi—ndzi ngava ndzi nga ta tirhisa marito yotala, kambe, twisia, ndza ku kombela, Xikwembu, leswi ndzi swi vulaka embilwini ya mina. Xana xiphijo i yini kuva hinkwaswo swi tsemiwile eka ku chumayeriwa ka Tinanga letiya?" Kutani Xi

tile ivi xi swi paluxa. Nakona sweswi, mixo lowu, ndzi lava ku vulavula na n'wina hi xivangelo kuri hikwalaho ka yini.

¹⁸ Kutani hina sweswi, lava nga na Tibibele na ku tsakela ku-ku, ku pfula Tibibele ta hina. Hi ta sungula hi pfula eka Levhitika, ku avanyisa ka vu23 ka Levhitika.

¹⁹ Loko Hosi yi swi tsakela, vusiku lebyi ndzi ya eku chumayeleni hi dyondzo ya: *Ku Ya Ehandle Ka Muxaxa*. Na swona yi tava yi komile, swingaleswi mi tava na nkarhi wo tlhelela etindhawini ta n'wina ku ya tirha.

²⁰ Hi tsakile ku vona vayeni endzeni, vanhu lava humaka ehandle ka doroba. I vangani vanhu lava humaka ehandle ka doroba lahwani, loko hi langutile? Makume nkaye-ntlhanu wa tiphesente, ina, makume nkaye-nhungu wa tiphesente ta nhlengeletano. Swingaleswi, ma swi vona leswaku a hi Jeffersonville, i vanhu lava taka eJeffersonville, lava endlaka... Hi laha hi tintswalo ta Hosi.

²¹ Kutani sweswi ndzi lava ku hlaya tindhawu tinharu, mixo lowu. Yin'we ya tona yi kumeka eka Levhitika ku avanyisa ka vu23, naswona leyin'wana yi le ka Esaya 18, na Esaya 27, n'wina lava nga eku swi fungheni ehansi.

²² Nakona ematshan'wini yo chumayela sweswi... Loko Hosi yi swi rhandza, ndzi ta endla sweswo vusiku lebyi. Kambe ndzi lava ku dyondzisa, mixo lowu, hi nkhuvo wa tinanga ta nkombo. Leti, n'hweti leyi yi nga nkhuvo wa tinanga ta nkombo, ku sungula... na swona leyi nga n'hweti ya vunkombo, leyi nga tava hi ti 15 ta Mawuwani, a kuri ku sungula ka nkhuvo wa tinanga, hi milawu ya Xilevhi.

²³ Sweswi, kutani loko mi ri na maphepha na swilo swa n'wina, nakona mi navela ku tsala Matsalwa na tindzimana ehansi, na swin'wana, loko hi ri karhi hi ya emahlweni.

²⁴ Ku na nchumu wun'we eka nhlengeletano ley, ka hisa, na swona hi swi toloverile sweswo malembe hinkwawo. Kambe un'wana a nga ehleketa leswaku ndzi pfumela sweswo loko hi nghena emuakwini lowu leswaku hi heta nkarhi, kumbexani, nakona swintsongo, nyana hilaha ku nga Heriki, hi ndlela leyi ndzi khomeletaka vanhu hakona. A ndzi swi vuli kuri swi va hi ndlela yaleyo. Kambe ndzi pfumela leswaku hi hanya ekusuhi swinene na ku Vuya ka Yesu, lero ndzi fanele ku tirhisu nkateko wa minete yin'wana na yin'wana leyi ndzi vaka na vanhu va hlengelatanile kun'we.

²⁵ Kutani a ndzi ri eku ehleketeni, loko ndzi ri karhi ndzi chayela ku rhelela hi patu ku ngari khale ngopfu, ndzi ri ehandle kuya khongela swintsongo loko ndzi nga se nghena ephulupitini, tani hilaha mufundhisi un'wana na un'wana wa xiviri a endlaka hakona. A ndzi ehleketa, "Wa swi tiva, hi va na nkarhi wo hlawuleka ngopfu loko hi hlangana kun'we lahwani! Kambe, na vanhu lava hlanganaka kun'we ku suka ematikweni yotala,

lava va tshameke lahawani sweswi, ku suka le kule, madzana na madzana ya timayili, nakona hi hlengaletana kun'we kuva na xinakulobye eRitweni. Kambe ku tava na nkarhi, ku ngari khale, lowu leswi swi nga tava miehleketo yo tsakeleka." Hi swona sweswo.

²⁶ Minkarhi ley i ta susiwa eka hina, swingaleswi hi fanele ku endla hinkwaswo leswi hi swi tivaka ku swi endla, ku endlela leswaku, minete yin'wana na yin'wana, yi va ya nkoka. Kutani ehleketani hi leswi sweswi, loko hi ri karhi hi xaniseka hi ku hisa ka mixo lowu. Nakona, ma swi tiva, miri wun'wana na wun'wana wa munhu i e-e dayinamo ya ku hisa, hi woixe, na swona wu endla leswaku swi mi tikela. Nakona, kambe ndzi lava leswaku mi kuma Rito.

Sweswi, loko hi—hi nga se hlaya, a hi khongeleni.

²⁷ Hosi, hakanyingi munhu un'wana na un'wana lahawani loyi a nga famba-fambisaka mavoko ya yena, a nga phendla mapapila lawa ya Bibebe. Kambe ku na Un'we exikarhi ka hina loyi a nga Yi pfulaka mixo lowu; yaloye i Moya lowo Kwetsima lowukulu, lowu nga exikarhi ka hina. Hi pfuleli Rito, Hosi, loko hi ri karhi hi hlaya, tani hilaha U swi endleleke vadyondzisiwa, loko vari karhi vaya eEmaus, ivi u sungula ku va hlamusela Matsalwa. Na swona ingaku hina, loko hi famba, hi nga vula kukotisa lava a va tlhelela eYerusalem ku suka eEmaus, "Xana timbilu ta hina a ti pfurhangwa endzeni ka hina loko A ri karhi a vulavula na hina endleleni?" Hikuva swi hi Vito ra Yesu ha swi kombela. Amen.

A hi yimeni hi ku xixima Rito.

²⁸ Sweswi, dyondzo ya mina mixo lowu i: *Nkhuvo Wa Tinanga*. Ndzi lava ku hlaya sweswi eka ndzimana ya vu23 ya ku avanyisa ka vu23 ka Levhitika.

Kutani Hosi a byela Muxe, a ku,

*Byela vana va Israel, u ku ka vona, Hi n'hweti ya
ntlhanu na timbirhi, na hi siku ro rhanga ra n'hweti, mi
tava na sabata, xitsundzuxo xa ku yimbiwa ka tinanga,
nhlengaletano ley i hlawuriweke.*

²⁹ Sweswi, eka Buku ya Esaya, ku sungula eka ndzimana ya vu1 ya ku avanyisa ka vu18, leswi swi hlangana kun'we.

*Khombo eka tiko ra ku tsavetela ka timpapa,
entsungeni wa nambu wa Etiopia:*

*Wena loyi a rhumaka tintsumi elwandle, hambi kuri
hi swikepe swa mabarika ehenhla ka mati, u ku,
Fambani, n'wina malandza ya matsambu, etikweni
leri hangalakeke...leri byevuriweke, ku huma eka
vanhu lavo chavisa...tiko leri n'okisiweke na ku
kandziyeriwa ehansi, leri misava ya rona yi onhiweke
hi nambu!*

Kutani n'wina hinkwenu lava akeke ematikweni ya misava, na n'wina vanhu va misava, langutani, loko a yimisa mujeko ehenhla ka ntshava; kutaku loko a yimba nanga, mi yingisela.

³⁰ Eka Esaya 27:12 na 13.

Nakona swi ta humelela esikwini rero, leswaku Hosi u ta hlakahla ku suka emugherhweni wa nambu kuya fika enambyeni wa Egipta, kutani mi ta rholeriwa ha un'we un'we, O n'wina vana va Israel.

Nakona swi ta humelela esikwini rero, leswaku nanga leyikulu yi ta yimbiwa, kutani mi ta ta n'wina lava tilunghiseleke ku lova etikweni ra Asur, ni lava hlongoleriweke etikweni ra Egipta, na swona mi ta gandzela Hosi entshaveni leyo kwetsima eYerusalem.

³¹ A hi khongeleni nakambe. Hosi, katekisela Rito leri etimbilwini ta hina. Leswaku miehleketo ya hina na ku anakanya ka hina ku ngava hi kuya hi ku lerisa ka Wena. Hi Vito ra Yesu. Amen.

Mi nga tshama ehansi.

³² Ku na swilo swotala swinene leswi mufundhisi a nga lavaka ku swi vula eka nhlengeletano ya yena leyi a yi rhandzaka, ya vanhu vo hambana ku suka etindhawini to hambana, leswi nga taka swi nga pfumeleleki hi mhaka ya nkarhi.

³³ Sweswi loko ha ha kongoma dyondzo leyi, hi lava leswaku mi titwa mi ntshuxekile. Nakona votala va n'wina mi yimile; kutani loko ndzi ri karhi ndzi hundza, tiholo a ti tele, na le handle ka minyangwa, na le mahlweni, na ku rhendzeleka hi muako, na ku rhendzeleka hi makumbi. Swingaleswi, sweswi, loko mi lava ku cincana vutshamo na van'wana, sweswo swi tava kahle.

³⁴ Sweswi, *Nkuovo Wa Tinanga*. Sweswi, leswi a kuri ku hlengeletana ka Israel, laha a va hlangana kun'we, nkhuovo wa tinanga.

³⁵ Sweswi, i khale nyana ndzi ri karhi ndzi navela ku—ku vulavula hi dyondzo ya Tinanga Ta Nkombo eBukwini ya Nhlavutelo. Kutani sweswi hi ya eku xiyisiseni ka leswi, xinkadyana nyana, ku humesa xivangelo xa kuva ndzi nga vulavuli hi ton a eka nkarhi lowu, hikuva Moya lowo Kwetsima a wu ndzi pfumeleli eka nkarhi lowu ku vulavula hi swilo leswi. Ndza swi tiva leswaku sweswo swi twala swi nga yupfanga, kumbexani, eka vanhu lava nga na dyondzo na matwisiselo lamakulu, kambe eka Mukreste swi hambanile. Hi—hi landzelela vurhangeli bya Moya, byona ntsena.

³⁶ Sweswi, ndzi sungula ku lemuka eka ku chumayeriwa ka Tinguva Ta Nkombo Ta Kereke, leti nga eka—eka nonganoko, kumbe vubvumbhi bya hinkwaswo leswi Xikwembu a xi ya eku

swi endleni eka tikereke, na hi tikereke, na ku ti veka hi kuya hi tindhawu ta tona.

³⁷ Ku avanyisa kunharhu loku ko sungula ka Buku ya Nhlavutelo ku paluxa hinkwaswo leswi humeleleke eka Kereke. Kutani, ku suka eka ku avanyisa ka vu3 ku ya fika eka ku avanyisa ka vu19 ka Nhlavutelo, a ka ha vonakali Kereke. Kereke yi ya ehenhla eka ku avanyisa ka vu4 ka Nhlavutelo, kutani yi vuyela endzhaku eka ku avanyisa ka vu19 ka Nhlavutelo, Muteki na Mutekiwa, swin'we, va ri eku vuyeni emisaveni. Na swona ku sukela eka ku avanyisa ka vu19 kuya eka xiheri xa ku avanyisa ka vu22, swi hi mayelanu na Mileniyamu na leswi nga tava kona eka malembe lawa ya nga ta yi landzela. Eka ya vu4 ku fika eka ya vu19, Xikwembu xi tirhana na Israel.

³⁸ Sweswi, kutani, loko hi hetile hi buku ya nhlavutelo wa kereke, leswi Xikwembu xi swi endleke eka tikereke letiya ta nkombo, leti hi nkarhi wa kona a ta hari eka vuflangi bya tona, kumbe ndzhuti wa tona, eAsia Minor. Kutani Moya lowo Kwetsima wu hi paluxerile na ku hi lemulela swihundla hinkwaswo leswi a swi ri Kwalahaya, swa hilaha Xi humeseke Kereke ya Xona ku hundza eka matimu. Nakona loko mi ngari na tona *Tinguva Ta Nkombo Ta Kereke* eka thepi, a swi tava kahle loko a mi ti yingiserile. Na swona ku ngari khale ti tava ti ri hi xivumbeko xa buku.

³⁹ Kutani ntsena ku swi siya eka sweswo, na ku ehleketelela leswaku endzhaku ka nkarhi a hi ta chumayela hi Swilemo, hi ngari eku swi tiveni leswi Swilemo a swiri swona.

⁴⁰ A ndzi ri na mianakanyo ya mina n'winyi, tani hilaha ministara un'wana na un'wana a swi endlaka, swa ku hlaya leswi kumbexani vavanuna van'wana va swi vuleke; na ku pfumelelana swonghasi hilaha ndzi swi kotaka, na vona, eka swilo leswi va nga boha, xiheri xa vona. Ndzi hlayile buku ya Nkul. Smith, Uriah Smith, loyi a nga mudyondzisi wa Adventist, nakona ndzi hlayile mianakanyo ya yena—yena eka swona. Na swona ndzi hlayile Nkul. Larkin. Na swona ndzi hlayile, oho, to tala to hambana-hambana, ta vuanguri bya vona eka Leswi. Kambe, hi mukhuva wun'wana kumbe ku tlula, a ndzi ehleketa leswaku a ndzi ri na—na mavonele mantsongo ya swona, mina n'winyi, sweswo swi ngava eka tindhawu leti hambaneke. Kambe ku ringeta nkarhi wun'wana, ku vulavula hi tidyondzo tinharhu, yo sungula... kumbe mune wa tidyondzo ta mune wa vakhandziyi va tihanci. Ndzi chumayerile vusiku bya mune ha tona, un'we eka hanci yin'we, na loyi un'wana.

⁴¹ Kambe loko swi nga se humelela, ndzi nyikiwile xivono, lexi nga eka thepi, tani hilaha mi swi tivaka, *Vakulukumba, Xana I Nkarhi Muni?* leswaku ndzi fanele kuya eTucson, Arizona. Kutani lahaya hi tlhelo ra le ndzhaku ra mananga, éhenhla ka ntshava, laha a ndzi ri kona na van'wana va vamakwerhu, na

ku vula hilaha mbhuluko lowukulu wu nga tava kona, nakona ndzi . . . Tintsumi ta nkombo ti xikerile ehansi. Ndzi ehleketele, mina n'winyi, leswaku a kuri makumu ya vutomi bya mina; ndzi byerile nsati wa mina kuva a va na Billy, na leswi a faneleke ku swi endla hi vana, na swin'wana, kukondza hi hlangana nakambe etlhelweni lerin'wana.

⁴² Kutani siku rin'wana eSabino Canyon, loko Xikwembu xa ha ndzi vitanile le henhla ni mpundzu, a ndzi ri le henhla ndzi yimeserile mavoko ya mina ehenhla, ndzi ri eku khongeleni, kutani tlharhi ri ta emavokweni ya mina. Ma swi tiva sweswo. Ndzi yimile kwalahaya ndzi ri languta, ntsena hi ntumbuluko tani hilaha voko ra mina ri nga xiswona sweswi, ndzi ngari eku tiveni ka leswi a swi vula swona. Nakona ri siyiwile na mina hi Rito leri vuleke leswaku, "Leri i Tlharhi ra Hosi." Kutani, endzhaku, loko Ntsumi ya Hosi yi tava yi swi paluxile, a Ri ri Rito evokweni.

⁴³ Xikan'we-kan'we endzhaku ka sweswo, Tintsumi ta Hosi ti humelerile kutani ti vulavula mayelana na Tinanga Ta Nkombo . . . kumbe Swilemo Swa Nkombo, leswaku ndzi ta fanela ku tlhelela laha eJeffersonville kutani ndzi ya chumeyela Swilemo Swa Nkombo. Na swona, kwalahaya, loko ndzi kale ndzi vula swin'wana leswi hloholteriweke, a swiri eka sweswo. Kwalahaya hilaha Ntsumi ya Hosi yi hlanganeke na hina kona, kutani Bibele yi hundzuka Bibele leyintshwa. Kwalahaya Yi pfulekile kutani yi paluxa swilo hinkwaswo leswi tirhifoma na van'wana va swi siyeke. A kuri nhlavutelo wo helela wa Yesu Kreste, hinkwawo wuri wuntshwa eka hina, kambe wu hetisekile eka Matsalwa. Rero a ri ri Rito leri ngava tano hi minkarhi hinkwayo. A ndzi hloholteriwile swonghasi na ku kongomisiwa.

⁴⁴ Kutani loko ndzi ta eka xiphemu lexi lahawani, xa ku chumayela Tinanga ta Nkombo, a ndzi ehleketa leswaku, "Hi swona, a ndzi nga ringeti ku ehleketa nchumu na wun'we. Ndzi to yima ku fikela nkarhi walowo kutani ndzi Xi pfumelela xi ndzi paluxela swona." Kutani tolo loko ndzi ri . . . Ndzi yile ekamareni naswona ndzi ri eku tivutiseni leswaku hikwalaho ka yini . . . Kumbe, ndzi kombela ku khomeriwa, a kuri tolweni. Loko ndzi yile ekamareni, ku ya ringeta ku swi twisisa, hi kona laha Moya lowo Kwetsima wu lemuleke leswi, ku ndzi kombisa xivangelo xo va swi nga ta vuyerisa na le ka Kereke hi nkarhi lowu, hikuva swi hava xo xi endla hi Kereke, na swintsongo.

⁴⁵ Sweswi, swihundla leswi fihliweke swa Kreste swi paluxiwile hi ku hetiseka eka Swilemo Swa Nkombo.

⁴⁶ Wu paluxile, ku sungula, Tinguva Ta Nkombo Ta Kereke, wu lemula tinguva na ku ti veka hi kuya hi matshamele ya tona, ha vumbirhi hi matimu na hi Bibele, na ku ti veka ematshan'wini, hilaha a ti ri hakona. Kutani hi tikumile hi ri eka nguva yo hetelela ya kereke, leyi nga Nguva ya Kereke ya Laodekiya, leyi

a yi kanganyisekile ku tlula tinguva hinkwato ta kereke. Hambi kuri eka leyo sungula, ku sukela eka Efesa, a yiri nguva ya kereke ya kahle swinene.

⁴⁷ Kutani hilaha, lahawani, Moya lowo Kwetsima wu ndzi nyikeke xivono, na ku vona leswi nga ta humelela, ndzi mpfapfarhutile eka bodo yo tsalela, malembe mambirhi lawa ya hundzeke. Hi leswi lahawani eka mpfapfarhuto, leswaku hilaha Layiti rero a ri nyamalala emisaveni, leswi hakunene swi nga tava hi ndlela leyi Layiti ri teke emisaveni, tani hi Evhangheli, na hilaha Ri nga ta nyamalala endzeni ni le handle. A ndzi ngari eku swi tiveni, hi nkarhi wa kona, leswaku a swi vula yini na hilaha swi nga tava hakona.

⁴⁸ Kambe huvo leyikulu ya vukhongeri bya misava yi vile na—na nhlengeletano na Rhoma; nakona Rhoma, leyi nga manana wa mavandla hinkwawo. Phophu, ro sungula eka matimu, u sukile eVatican kutani a ya eYerusalem na tindhawu totala. Sweswi, Yerusalem i xitshamo xa khale xa vukhongeri bya hina, i Yerusalem. Na swona eka xitshamo lexi xa khale, phophu ku suka eRhoma, leyi ngava nala lonkulu wa Kereke hi minkarhi hinkwayo, u sukile a ya endzela Rhoma... kumbe ku suka eRhoma kuya ePalestina, eYerusalem.

⁴⁹ Nakona ha swi vona, kuva ndzi nga dyondzekanga, mina hi ndzexe, ndzi ngari eku tiveni ka—ka marito hilaha ndzi nga vulavulaka na vona, ndzi tshamele ro dyondzisa hi swifaniso, hi maendlele ya ntumbuluku. Ntumbuluku wu ta landzela ntumbuluko. Ntumbuluko i wa Xikwembu.

⁵⁰ Loko u teka nkarhi loko tihomu, ensin'wini, hinkwato ti hlengelatana eyinhleni ya nsimu, u humesa risiha ra wena ematini; tihlampfi a ti nga dyeli. U ngaka u nga ti phasi; wa vona, tihomu ti le ku wiseni; handle ka loko u nga wela ehansi-hansi ka mati. Kambe loko tihomu ti ya eku dyeni, hlalela. Hi nkarhi wun'we lowu tihomu ti endlaka sweswo, swinyenyani na swona swi taya eminsnyeni; swi ta yima ku dya. Wa vona, i ntumbuluku. Hinkwaswo ka swona swi hlangana kun'we. Mi xiyaxiya tinyoxi, hi nkarhi walowo, ti le ku mbvurumeni ehenhla ka vulombe bya tona, ku ngari ku byi hlengelata. Ntumbuluku hinkwawo wa tirhisana.

⁵¹ Hikokwalaho, tani hi loko hi vona nsinya wu dzudza tluka, ku ngari khale sweswi, eka tin'hweti tintsongo leti landzelaka, tluka ri ta suka ensinyeni. Nakona e—e vutomi, mafi, ya ta rhelela erimitswini. Na swona tluka ra nsinya ri ta dzudzeka na ku wela ehansi ivi ri bola. Kutani khalisiyamu na—na phothaxi, nakona yi le ndzeni ka tluka ra nsinya, yi ta bolela ehansi. Kutani xana ku humelerile yini? Vutomi byi ri rhangerile, nakona ri ta byi tswongela eka rona, na ku tlherisela tluka rero endzhaku nakambe. I kufa, ku lahliwa, na ku pfuxiwa.

⁵² Na ntumbuluku hinkwawo! Na swona n'weti i—i nsati wa dyambu. Hi wona layiti leri ntsongo. Kutani, nakambe, leswaku loko dyambu ri fambile, ku pfumaleka ka dyambu, n'weti wu kongomisa layiti emisaveni, leswi nga xifaniso xa kereke. Kutani loko phophu a suka, nala wa khale wa kereke, a ta eYerusalem, leyi nga xitshamo xa kereke; leyi, Yerusalem lontshwa na Yerusalem wa khale; hi lemuka leswaku, loko swi nga se endleka, a kuri na ku dzwihala ko hetiseka ka n'weti.

⁵³ Na swona emaphepheni, ku tsemakanya tiko tani hilaha hi nga na swona eka bodo, swi kombisile hilaha n'weti wu hundzukeke ku suka eka ku vonakala kuya eka munyama. Kutani timhaka ta wona, leswaku n'weti walowo wu mpfapfarhutile, empfhukeni, nchumu wun'we lowu Moya lowo Kwetsima wu endleke leswaku ndzi wu mpfapfarhuta lahawani eka malembe mambirhi lawa ya hundzeke, na ku kombisa... ku funengeta e... Loko swi yile eka swifaniso swa ntsevu, ndzi vekerile xa vunkombo kwalahaya, hikuva nguva ya kereke ya vunkombo, ntsena ndzhuti wa ku Vonakala, ku famba ka... Hi laha Yesu, enyangweni, a gongondzaka. Kambe wu ya eka munyama lowu hetisekeke.

⁵⁴ Na swona i xikombiso muni, i Hungu muni ku suka eka Xikwembu hi Xoxe, leswaku swilo leswi i Ntiyiso! Xi mbhoniyerile hi swona ku sungula eRitweni ra Xona, kutani hi Moya eka platifomo, ivi xi swi tivisa ematilweni. Ku hava xihoxo hi xona na swintsongo. Swilemo leswiya na Tinguva swi le layinini hi ku hetiseka, hi ku hetiseka, Xikwembu xi ri eku nyikeni ka vumbhoni hi masingita na swihlamariso leswi nga ehenhla ka ntumbuluku, hi Rito na matimu, hinkwaswo swi vekiwile kun'we, eka nguva leyi hi nga eku hanyeni eka yona sweswi.

⁵⁵ Swa tika eka tikereke sweswi ku vona leswi. Swa tika eka tidinominexini ku swi vona. Hi minkarhi hinkwayo va ringeta ku ehleketa leswaku u le ku ringetenka ka ku karihela vanhu. A wu tano; u le ku ringetenka ka ku tsundzuxa vanhu. A hi ku ringeta kuva mubihi eka vona; u ringeta ku va susa evubihini. A hi vanhu lava nga emavandleni; i mafambiselo lawa va nga eka wona, lawa ya va avanyisaka. Lavanene, vanhu lava tshembhekeke i Makhatholiki, Maprotestant, Mayuda, na van'wana votala. I vanhu lava—lava...

⁵⁶ Tinani a tiyi endhawini ya tinani ku ya va vavasati lava nga riki kahle; ti ya kwalahaya ku yava vavasati va kahle. Ti le ku ringetenka ka ku tshinela ekusuhi na Xikwembu, kambe i mafambiselo lawa ya ti nyamisaka. Vanhu va joyina kereke, ku ngari ku tava vanhu lava nga riki kahle, kambe kuva vanhu lavanene. Kambe i mafambiselo ya kereke lawa ya va kokaka ku suka eRitweni na milawu leyi Xikwembu xi yi vekeleke siku leri; nakona sweswo hi leswi swi va humeselaka ehandle.

⁵⁷ Tsundzukani sweswi, Xikwembu i Rito, na swona eka nguva yin'wana na yin'wana Xi ri longoloxile Rito eka nguva yin'wana na yin'wana leyи a yi tava emisaveni. Xi Ri longoloxile eka nguva ya kereke, na swona Swilemo Swa Nkombo swi paluxile xiphemu xin'wana na xin'wana xa Rona. Wa vona?

⁵⁸ Hikokwalaho ka yini lahaya . . . ku vile na swihundla leswi a swa ha fihliwile? Nhavutelo 10, hi kuma leswaku, eku heteleleni ka Hungu ra ntsumi ya vunkombo, leswaku, swihundla leswi fihliweke a swi ta paluxiwa, Nhavutelo 10:1 ku fika eka 7. Xiyisisani, xivangelo hi leswaku a ku vanga na vaprofeta eka nguva leyи. Bibele yi vurile, leswaku, "Xikwembu a xi endli nchumu kukondza Xi swi paluxela vaprofeta va Xona, va nga malandza ya Xona, vaprofeta." Nakona Rito ra Hosi eka tinguva hinkwato ri tile eka vaprofeta, ku ngari eka mafambiselo, ku ngari eka ntlawa.

⁵⁹ Xikwembu a xi se tshama xi tirhisa ntlawa. Nkarhi hinkwawo laha ntlawa wun'wana na wun'wana wu nga tikondletela, Xikwembu xi wu sukerile nakona a xa ha tlhelelanga. Lavisisani matimu kutani mi vona loko sweswo swi ri swona kumbe swi ngari swona. I khale hi swi endlile. A Xi kali xi tirha hi mafambisele kumbe ntlawa, endzhaku ka loko va tikondleterile; swi lwisana na Xikwembu.

⁶⁰ Hikokwalaho, hi nkarhi wa tirhifomexini, ku tile tirhifoma, tani hilaha Swilemo Swa Nkombo swi khorwiseke leswaku a swiri tano. Kambe emasikwini ya makumu sweswi, a swi fanele ku paluxiwa nakambe. Hikuva, hi kuma eMatsalweni, eka Malakiya 4, leswaku ku tava na ntoto lowu nga ta xikela ehansi kutani wu tlherisela nakambe Ripfumelo leriya ra xiviri, "na ku tlherisela ripfumelo ra vanhu eka pentekosta ya xiviri, Ripfumelo ra vatatana."

⁶¹ Kutani hi tekile Eliya wa ku tsutsuma ko sungula; hi tekile Elixa ku n'wi landzela; hi tekile Yohana Mukhuvuri endzhaku ka sweswo, loyi a ri Elixa wa siku rero; na xitshembhiso xa un'wana eka siku leri.

⁶² Sweswi, Yohana Mukhuvuri a ngari Elixa wa Malakiya 4. A ri Elixa wa Malakiya 3. Yesu u vurile tano. "Vonani, Ndzi rhumela murumiwa wa Mina emahlweni ka Mina, ku ta lunghisa ndlela." Hi n'wi kuma a ri tano.

⁶³ Sweswi, hi ku endla tano, eku kumeni ka swiyimo sweswo, ha swi tiva leswaku Matsalwa hinkwawo, lawa ya hlohloteriweke hi Xikwembu, ya hi paluxela leswaku hi le sikwini ra makumu.

⁶⁴ Sweswi, loko ndzi ta na hungu ra Pentekosta, ndzi tava ndzi ri eka Nguva ya Kereke ya Laodekiya, nakona swi tava swi nga lulamanga.

⁶⁵ Xexo hi xona xivangelo xova Wesley a nga ta teka hungu ra Luther. Luther a ri eka nguva yin'wana, nguva ya kereke, na swona Wesley a ri eka nguva yin'wana ya kereke. Loko Yesu a lo

ta eka . . . na hungu ra Muxe, a ri tava ri nga tirhanga. Loko Muxe a lo ta na hungu ra Nowa, a ri tava ri nga tirhanga.

⁶⁶ Kambe Xikwembu xi longoloxile eka vanhu va Xona—Xona—Xona, va nguva yin'wana na yin'wana, eMatsalwa. Nakona loko nguva yi nga se humelela, eka nkarhi, kutani tikereke ti va ti yi hlangananisile lero a ti—a ti swi tivi leswaku ti le kwihi.

⁶⁷ Xexo hi xona xivangelo xova va tsandzeka ku lemuka Yesu tani hi N'wana wa Xikwembu. Vona, mindhavuko ya vona yi va pfarile matihlo, kambe A ri na Matsalwa hi ku hetiseka.

⁶⁸ Vaprofeta a vari van'we. Yesu u te, "Hi wihi exikarhi ka n'wina, exikarhi ka vatata wa n'wina, loyi a nga khandlangiki vaprofeta lavaya va rhumeriweke eka n'wina xana?" Kutani Xikwembu xi rhumela muprofeta wa Xona, ku ta . . . na swona muprofeta i Rito ra Xikwembu leri hanyaka, leri vonakarisiweke.

⁶⁹ Yesu u te, "Xana mi Ndzi avanyisela yini, loko ndzi ku, 'Ndzi N'wana wa Xikwembu,' nakona mi va vula, enawini wa n'wina . . . Mi te, lava Rito ra Hosi ri teleke vona," lava a vari vaprofeta, "mi va vurile 'swikwembu.' Kutani va swona, hikuva Matsalwa ya ngaka ya nga cukumetiwi," U vule tano. "Xana n'wina mi Ndzi sola ha yini?" Loko A ri . . . A vari xiphemu xa nawu, a vari xiphemu xa Rito ra Xikwembu, kambe Yesu a ri ku hetiseka ka Rito ra Xikwembu. Makungu ya yena hinkwawo ya ku kutsuriwa, ku hetiseka hinkwako ka Xikwembu, a kuri endzeni ka Yena.

⁷⁰ Nakona sweswi, eka tinguva hinkwato ta kereke, va endlile leswi fanaka. Na swona Swilemo Swa Nkombo i swo paluxa swihundla hinkwaswo leswi a swi siyiwile hi nkarhi luwa, hikuva a hi na vaprofeta, na swona Rito a ri yi eka tirhifoma. Vaprofeta!

⁷¹ Xikwembu a xi cincek. Eka Malakiya 3, xi te, "Hi mina Xikwembu, a Ndzi cinci." Ndlela yo sungula ya Xikwembu yo endla xin'wana na xin'wana, yaleyo hi yona ndlela yi ri yoxe ya Xikwembu yo endla xin'wana na xin'wana. Xikwembu xi kunguhatile leswaku Xi ta ponisa munhu hi Ngati leyti halatiweke ya Loyi a nga riki na nandzu, entangeni wa Eden, nakona a Xi se tshama xi yi cinca na kan'we, na swona xi ngaka xi nga yi cinci. Hi ringetile, hi dyondzo, hi miako, hi mafambisele, hi Tidinominexini, hi matikhomele ya ximunhu, na leswin'wana hinkwaswo, nakona hinkwaswo swi tsandzekile. Kambe ku na ndhawu yin'we ntseña leyti Xikwembu xi hlanganaka na munhu kona, kwalanu, hi le hansi ka Ngati leyti halatiweke ya Loyi a nga riki na nandzu. Hi Ngati ntseña! Xexo a kuri xiboho xa Xona xo sungula. Wa vona?

⁷² Hi nga endla xiboho, nakona lembe leri tako hi nga ha ehleketa ku antswa. Hi va na mianakanyo yo antswa eka swona, lembe leri landzelaka. Xikwembu xi ngaka; Xi hilaha ku nga

heriki. Xiboho xa xona xo sungula xi va xi hetisekile; ku hava lexi nga xi ninginisaka. Ndzi nga ha dyondza swotala; hina hi na makumu. Ndzi nga ha dyondza swotala; mi nga ha dyondza swotala. Kambe Xikwembu xi ngaka xi nga ha dyondzi swin'wana; Xi hetisekile, xo sungula. Kutani, hikokwalaho, xiboho xa Xona xo sungula, vekani mimoya ya n'wina eka xona. Leswi Bibebe yi swi vulaka, hi swona!

⁷³ Xikwembu xi ta fanela ku avanyisa misava siku rin'wana. Na swona Khatholiki yi ri Xi ta yi avanyisa hi kereke ya Khatholiki. Loko sweswo swiri tano, i kereke yihi ya Khatholiki? Ta hambana, yin'wana eka leyin'wana. Loko mi ya yi avanyisa hi Protestant, i kereke yihi ya Protestant? Ta hambana, yin'wana eka leyin'wana. Nakona a swi ta hlangananisa nyana; ku hava loyi a ta tiva laha a faneleke ku yima kona. Loko kuruku Methodist yi lulamile, Baptist yi lahlekile. Loko kuruku Protestant yi lulamile, Khatholiki yi lahlekile; loko Khatholiki yi lulamile, Protestant yi lahlekile.

⁷⁴ Kambe Bibebe yi vurile leswaku Xi ta avanyisa misava hi Yesu Kreste, nakona hi Yena Rito. Kutani, Xi ta avanyisa hi Rito.

⁷⁵ Kutani tidinominexini hinkwato ti sukile eRitweni rero, ku ya tiendlela milawu ya tona. Ndzi kombela mani na mani ku swi khorwisa eka mina leswaku hi kwihi laha va tekaka Rito leri heleleke. Va ngaka va nga swi endli, hikuva yi lawuriwa hi mafambiselo ya munhu. Laha mi vaka na munhu...

⁷⁶ Xikwembu a xi se tshama xi tirhana ehandle ka munhu wun'we hi nkarhi. A xi se tshama xi va na hambi kuri vaprofeta vambirhi hi nkarhi wun'we. Un'we! Xikwembu xi va na munhu un'we evokweni ra Xona. A xi tirhani na wena...vandla ra wena; Xi tirhana na wena.

⁷⁷ Sweswi, ehenhleni ka sweswo, hi fika eka nkhuvo wa tinanga, swihundla leswi fihliweke. Swi profetiwile leswaku a swi fanele kuva hi ndlela yaleyo, hikokwalaho a swi fanele ku paluxiwa hi ndlela leyi a swiri xiswona. Kambe kuva swi ta paluxiwa hi siku leri ra makumu, ku hetisekisa leswi ndzi nga ha ku swi vula, Malakiya ku avanyisa ka vu4, Luka ku avanyisa ka vu17 na e—e ndzimana ya vu30, hilaha Xi nga ta swi endla hakona, na Vaheberu 13:8, Vaheberu 4:12, na yotala Matsalwa lawa ya hi byelaka. Sweswi, loko sweswo swiri swimbe eka van'wana va n'wina, mi nge ndzi ku Xikwembu minkarhi hinkwayo... Ndlela leyi Xikwembu xi tivekaka hakona eka vanhu i kuva hi ku profeta.

⁷⁸ Mayuda hi minkarhi hinkwayo a va swi tiva ku pfumela vaprofeta va vona. Xi te, "Loko un'we a ri kona exikarhi ka n'wina, Mina Hosi ndzi ta vulavula na yena emilorhwени ya ximoya na hi swivono. Kutani, loko leswi a swi vulaka swi humelela, kutani n'wi yingiseni." Va tano hi minkarhi hinkwayo...

⁷⁹ Sweswo hilaha va tsandzekeke hakona ku lemuka Yesu, nakona a va fanele ku N'wi veka eka ntlawa wun'wana, swingaleswi va N'wi endlile moyo lowo biha, "Beelzebub," hikuva A swi kota ku kambisia mianakanyo leyi a yiri etimbilwini ta vona. Hi minkarhi hinkwayo ha swi tiva leswaku sweswo i xikombiso xa Rito.

⁸⁰ Vaheberu ku avanyisa ka vu4, ndzimana ya vu12, yi te, "Rito ra Xikwembu ri kariha ku tlula tlharhi leri nga na vukarhi hi matlhelo mambirhi, na muavanyisi wa mianakanyo na makungu ya mbilu."

⁸¹ "Loko Yena Moya lowo Kwetsima a ta xikela ehenhla ka n'wina, U ta mi tsundzuxa hi swilo leswi Ndzi swi vuleke, na swona u ta mi komba leswi swa ha taka."

⁸² "Xikwembu hi minkarhi leyo tala, hi mikhuva leyo tala," Vaheberu 1, "xi vulavurile na vatatana hi vaprofeta, hi siku leri ra makumu xi vulavurile na hina hi N'wana wa Xona, Yesu Kreste." Xikwembu xin'we, xi lo cinca ku suka eka vaprofeta kuya eka N'wana. Hi sweswo ntsena. Wa vona? I Hungu rin'we hi minkarhi hinkwayo, ndlela yin'we yo swi endla.

⁸³ Sweswi, swi profetiwile leswaku tikereke ti tava eka xiyimo lexi, ti fanele ku tlheriseriwa endzhaku nakambe. Nakona Xi swi vurile, eka Malakiya 4, leswaku Xi ta "rhuma Eliya muprofeta, kutani u ta tlherisela e—e vanhu endzhaku nakambe," hi e... ku swi tisa. Xiyisisani. Kutani loko ku nga se... Kumbexani, endzhaku ka Hungu ra yena, ku tava na nkarhi laha misava yi nga ta tshwa, nakona lavo lulama va ta famba ehenhla ka nkuma.

⁸⁴ Sweswi, eka mutivi wa swa vukhongeri loyi a nga vaka a yingiserile eka thepi, kun'wana ku rhendzeleka na misava, loko u ehleketa leswaku yaloye a ri Yohana, tsundzuka, kutani, Matsalwa ya hoxekile, hikuva misava a yi tshwanga endzhaku ka hungu ra Yohana. Yesu a nga vuyanga a ta teka vanhu kuya eka Mileniyamu; kambe U tshembhisile ku swi endla endzhaku ka loko Moya wa Eliya wu tile ehenhleni ka misava nakambe.

⁸⁵ Xiyisisani eka Malakiya 4, ha swi vona lahawani leswaku leswi swi fanele ku endliliwa ku tlherisela (yini?) ripfumelo ra vanhu endzhaku eka vatatana va xiviri, Dyondzo ya pentekosta, vatatana va xiviri. Na swona u ta tlherisela vanhu eka vatatana.

⁸⁶ Hi kuma leswaku eka Luka 17, Yesu u vurile leswaku loko A vuya emasikwini lawa ya makumu, Luka 17:33, hi kuma leswaku Yesu u te, "Tani hilaha a swiri hakona emasikwini ya Lot, swi tava tano eku vuyen'i ka N'wana wa munhu, loko N'wana wa munhu a tivonakarisa."

⁸⁷ Xiyisisani sweswi, U tile hi mavito manharhu ma n'wana. U tile hi vito ra N'wana wa Davhida... Kumbe, N'wana wa munhu, N'wana wa Xikwembu, N'wana wa Davhida.

⁸⁸ Sweswi, A fanele ku ta tani hi N'wana wa munhu, hikuva A ri Muprofeta. Yehovha, hi Yexe, u vurile vaprofeta, "n'wana wa munhu." Nakona Yesu hi Yexe a nga kalanga a tivula N'wana wa Xikwembu. U tivurile Yena hi yexe, hi minkarhi hinkwayo, kuva N'wana wa munhu. Na swona xiyisisani, U tipaluxile hi Yexe kuva a ri Muprofeta, Loyi a vonaka leswi swa ha taka. U te, "Loko Ndzi nga endli mintirho ya Tata wa Mina, kutani mi nga ndzi pfumeli." U fikelerile nhlamuselo yin'wana na yin'wana leyi vuriweke mayelana na Yena eMatsalweni, hambi kuri hi rifu ra Yena, ku lahliwa, ku pfuxiwa; ku vambiwa ka Yena, ku tswariwa ka Yena, hinkwaswo. Nakona entirhwени wa Yena, U fikelerile nhlamuselo ya Loyi a vonaka leswi swa ha taka, N'wana wa munhu.

⁸⁹ Sweswi U paluxiwile hi ku famba ka tinguva ta kereke, vonani sweswi, hi ku famba ka tinguva ta kereke, tani hi N'wana wa Xikwembu. Xikwembu lexi nga Moya, Moya lowo Kwetsima, Xi Tipaluxile eka tinguva ta kereke tani hi, le nhlengeletanweni, tani hi Moya lowo Kwetsima exikarhi ka vanhu.

⁹⁰ Hi kuma leswaku, eka Nguva ya Kereke ya Laodekiya, nguva ya kereke yo hetelela, U vekiwile ehandle ka kereke. Ku hava kun'wana laha A nga tshama a vekiwa ehandle, eka nguva yihi na yihi, kambe eka Nguva ya Laodekiya. "Hikuva, va te, 'Hi fumile nakona a hi pfumali nchumu.' Nakona a wu swi tivi leswaku u xisiwana, mupfumari, a wu ambalanga nchumu, a wu voni, nakona a wu swi tivi." U vekiwile ehandle ka nguva ya kereke.

⁹¹ Kutani, hi kuya hi Luka 17, U te, "Tani hilaha a swiri hakona emasikwini ya Sodoma, swi tava tano eku vuyeni ka N'wana wa munhu." Sweswi, A ri eku hlayeni ka Geneza yin'we na leyi hi yi hlayaka. Xiyisisani, eSodoma, leswi humeleleke. Xana a kuri yini eSodoma? Abraham . . .

⁹² Ku tshama kuri na mintlawa yinharhu ya vanhu. A kuri na Abraham, muhlawuriwa na loyi a vitaniweke, ehandle ka Sodoma hi roxe. A kuri na Lot, xirho xa kereke, kumbe wanuna wa dinominexini, ehansi; u hundzukile xiphemu xa misava yaleyo, hi kuva meyara wa doroba rero, a tshama enyangweni; a ri muavanyisi, loyi a nga meyara. Nakona a kuri na Sodoma, rona hi roxe.

⁹³ Sweswi, hi nkarhi wa ni madyambu, kumbe exikarhi ka siku, loko Abraham a ri ehansi ka nkulu wa yena, ku humelerile Tintsumi tinharhu eka yena. Timbirhi eka toni ti yile eSodoma, kutani ti ya chumayela Evhangeli na ku ringeta kuva humesela ehandle. A va nga ta swi endla; a va hambukisiwile. Lot, na nsati wa yena, ntsena, na vana va yena vambirhi va xisati, va humerile ehandle. Na swona nsati u hundzukile xitshuka xa munyu.

⁹⁴ Kambe Loyi a saleke a vulavula na Abraham, loyi Abraham a n'wi vitanek, "Elohim, wa Matimba hinkwawo." Geneza 1,

“Xikwembu! Eku sunguleni, Xikwembu,” Elohim, Loyi a nga na ku—ku ringanelia hinkwako, Loyi a tihanyelaka a ri swakwe. Abraham u N’wi vitanile, “Elohim.” Nakona U tshamile a dya na Abraham; U nwile; A ri enyameni ya munhu. Kutani vonani singita leri A ri nyikeke Abraham.

⁹⁵ Sweswi, a va languterile ku ta ka n’wana, n’wana loyi a tshembhisiwile, Isak. Makume mbirhi-ntlhanu wa malembe, erendzweni lero leha, va xi languterile, kambe a vari emakumu ka rendzo. Xikwembu xi humelerile hi swivumbeko swotala, tani hilaha Xi endleke hakona eka tingua ta kereke, hi Malayiti, na swin’wana, tani hilaha Xi vulavuleke na Abraham, na hi marito. Kambe loko n’wana loyi a taka a nga se fika... Hi hundzile eka swona sweswi, nakona ma swi tiva leswaku ndzo va eku pfuxeteni, ku fikisa leswi eka n’wina. Leswaku, Xi cincile miri wa Abraham na Sarah, xikan’we-kan’we endzhaku ka leswi, leswaku va ta kota ku amukela n’wana.

⁹⁶ Xiyisisani, singita ro hetelela leri va ri kumeke, loko n’wana a nga se fika, a kuri kuva Yehovha a vulavurile na vona hi xivumbeko xa munhu. Na hilaha va swi tiveke leswaku loyi a ri Yehovha, hikuva U te, “Abraham,” ku ngari Abram. Masiku mantsongo ku nga se fika sweswo, Xikwembu a xi cincile vito ra yena. “U kwihi nsati wa wena, Sarah?” Ku ngari S-a-r-a-i; kambe *S-a-r-a-h*, “hosikazi.”

Kutani Abraham a ku, “U le ntsongeni, endzhaku ka Wena.”

⁹⁷ Hi loko Xi ku, “Mina,” rero i risivi ra ximunhu, “Ndzi ta ku endzela hi kuya hi xitshembhiso xa Mina. Hi nkarhi wa vutomi, makume mbirhi-nhungu wa masiku lawa ya landzelaka, swin’wana swi ya eku endlekeni eka Sarah.”

⁹⁸ Kutani Sarah, entsongeni, a nyowela endzeni ka yena, kutani a vula embilwini ya yena, “Xana swi nga endlekisa ku yini, ndza swi vona leswaku ndzi dyuharile; leswaku ndzi nga ha kuma ku tsaka na n’winyi wa mina, loyi na yena a dyuhaleke, Abraham?”

⁹⁹ Nakona Ntsumi, kumbe, Wanuna a ku, “Hikokwalaho ka yini Sarah a vula sweswo embilwini ya yena?” Entsongeni lowu a wuri endzhaku ka Yena! “Hikokwalaho ka yini a vula leswaku swilo leswi swi nge endliki?” Wa vona? Wanuna hi xivumbeko xa nyama ya munhu, kukotisa muprefeta, hambi leswi A ri Elohim a kambisisaka mianakanyu leyi a yiri embilwini ya Sarah, endzhaku ka Yena.

¹⁰⁰ Na swona Yesu u te, “Tani hilaha a swiri hakona emasikwini ya Lot, swi tava tano eku fikeni ka ku hela ka misava, loko N’wana wa munhu,” ku ngari N’wana wa Xikwembu, “loko N’wana wa munhu a ta paluxiwa.”

¹⁰¹ A swi vanga kona eka nguva hinkwayo. Ma ku vona ku yisa emahlweni ka Matsalwa loku ku hetisekeke? Hi hina lava hi hanyakaka kona. Swihundla: hambi kuri swa nkhuvulo hi Vito ra Hosi Yesu, na kuva ekule na mianakanyo ya Oneness; na

swilo leswin'wana, hilaha Moya lowo Kwetsima wu nghaniseke sweswo endzeni na ku swi kombisa hi ku hetiseka; na Nkhuvulo wa ntiiyiso wa Moya lowo Kwetsima, Mfungho, na hinkwaswo, na ku swi vekela; na hilaha A vekeke rhifoma yin'wana na yin'wana na hinkwaswo, ntsena hi ku hetiseka. Kutani, vonani, kwala mahlweni ka matihlo ya n'wina vinyi, nakona a swi le yinhleni. Swa tiveka emisaveni. Yesu, N'wana wa Xikwembu, u tipaluxa hi Yexe hi Matsalwa, ku endla leswaku Matsalwa yalawa (lawa ya hlawuleriweke emahlweni eka siku *leri*, tani hilaha a yari hakona esikwini *rero*, na le ka masiku *laman'wana* hinkwawo) ya hanya. Kutani ku Ma pfumela, i vumbhoni bya Moya lowo Kwetsima.

¹⁰² Vunene, mi ngaka mi nga vuli leswaku ntsena "kuya ekerekeni" i vumbhoni bya Moya lowo Kwetsima. Loko mi vula tano, swi vula leswaku Vafarisi a vari na Wona. Wa vona? Mi ngaka mi nga vuli "ku tlhavulana kumbe ku tlula-tlula" kuva kuri... Loko mi vula tano, swi vula leswaku vahedeni va na Wona. Loko mi ku "ku vulavula hi tindzimi," hi wihi—hi wihi mugandzeri wa javulosi loyi a nga vulavuleki hi tindzimi xana? Ndzi byeleni un'we.

Makwerhu Jackson u tshamerile Afrika lahawani, ku suka eAfrika, a nga mi byela sweswo. Ndzi yile emixaxeni ya Maindia lahawani, ndzi vona valoyi na vangoma va titsemelela, va chulula ngati ya vona vinyi, va vulavula hi tindzimi; ivi—ivi xingomatanda yi swi tolokela, kutani u vona va veka penisele ehansi na ku tsala hi tindzimi leti nga tivekiki. Swingaleswi sweswo a hi Byona. Kambe loko kuri ku...

¹⁰³ Xana vumbhoni bya ntiiyiso i yini? Yesu u te, "Leswaku mi pfumela leswaku Ndzi Yena." Nakona hi Yena Rito.

¹⁰⁴ Hikokwalaho ka yina va nga Byi kumanga? Hikokwalaho ka yini Mayuda ma nga Byi kumanga? A vari vanhu vo lulama; vanhu va kahle; a vari vanhu lava tengeke, na swona akuri na tinxaka hinkwato ta vanhu; kambe, eka loyi a hlawuleriweke emahlweni kuva a twa Rito!

¹⁰⁵ "Kutani xana mi swi tivisa ku yini leswaku i Rito? Un'wana na un'wana u vule leswi."

¹⁰⁶ I xitshembhiso xa Bibele xi vonakarisiwaka eka nguva yaleyo, hi n'wina valava, kutani mi tlhelela laha Moya lowo Kwetsima wu nga kona. Vonani mpfumawulo wa Nanga ku ngari khale, leswi Yi swi hlambanya. Nanga, Nanga ya Evhangheli, mi vona loyi a nga ta Yi twa. Tsundzukani, lavaya a vari ematikweni ya makhungu yo leha a va nga ta huma hi jubili. Ee, nkulukumba. A vari emakhumbini; va tshamile kwalahaya. A swi herile; a vari mahlonga vutomi bya vona hinkwabyo, nakona a va fanele ku funghiwa. Sweswi loko hi ri karhi hi vona maendlele lawa hinkwawo, xiyisisani.

¹⁰⁷ Sweswi, swendlo leswi, Malakiya 4, na leswi hinkwaswo, na Vaheberu 13:8, “Yesu Kreste hi yena tolo, namuntlha, na hilaha ku nga heriki,” U tshama a ri Rito hilaha ku nga heriki, Rito leri vonakarisiweke. Sweswo hi swona leswi Yena a swi vuleke vaprefeta. *Muprefeta* a nga swi vuli ntsena “loyi a vonaka leswi swa ha taka kumbe loyi a vonaka swa le mahlweni;” swi vula “mupaluxi wa Rito leri tsariweke.” Hi vutomi bya yena n’winyi, mintirho ya yena n’winyi, u paluxa na ku tiyisisa Rito ra siku rero; kukotisa loko Nowa a aka ngalava; Muxe le hansi; na van’wana votala; na xitsembhiso xin’wana na xin’wana, Rito leri tshembhisiweke eka awara yaleyo.

¹⁰⁸ Sweswi ha swi tiva leswaku U na hina. Hi pfumela sweswo. Mi vona Rito ra Yena ri vonakarisiwa, hi swifaniso, hi Matsalwa, hi swihlambanyo swa le Tilweni, emisaveni, hinkwaswo leswi A swi vuleke. Ku hava nkarti na wun’we laha swi tsandzekeke. Ndzi kombela munhu wihi na wihi ku ndzi kombeta, ku suka etindhawini to hambana-hambana ta tiko, kumbe emisaveni hinkwayo, mi—mi fanele ku ndzi tsalela mi ndzi byela, laha swi nga tshama swi tsandzeka. Swi hetisekile, rito hi rito, sweswi, xexo i xitsembhiso.

¹⁰⁹ Hikokwalaho ka yini A fanele ku humelela emasikwini lawa ya makumu xana? Loko mi tlhelela endzhaku, na n’wina vayingiseri va thepi, eka *Nsinya Wa Mutekiwa*, ni ku vuyisa Kreste laha a ri kona, Nsinya luwa a wuri entangeni wa Eden. Adam wo sungula loyi a weke; na Adam loyi wa Vumbirhi u tseminihi vudyoho. Va N’wi hayekile ensinyeni wa Xirhomma, nakona eka sweswo ku kokile...ku humile Nsinya wa Mutekiwa lowu A wu tshembhiseke, lowu hi wu vonaka eMatsalweni, sweswi, hi ku endlela ku kuma Mutekiwa.

¹¹⁰ Kukotisa phiramidi, hilaha yi taka eka lavantsongo nkarti hinkwawo, ku suka eka ku anama lokukulu; ku suka eka Luther, Wesley, Pentekosta, kutani ribye ra xihlungwani ehenhla ka yona ri tontswile swinene, nakona rin’wana na rin’wana ra maribyi lawa ri vekeriwile hi vukheta. Na swona a hi se swi tiva leswaku va swi endlisile ku yini, kambe ya vekeriwile hi vukheta eka phiramidi yaleyo! Nakona a hi le ku dyondziseni ka tiphiramidi sweswi, ntsena hi le ku...

¹¹¹ Enok na vona va yi akile, malembe lawa ya hundzeke, na swona yi yimele mfungho. Ntsena ku fana na hilaha dyambu ri humaka ri tlhela ri pela; ntsena tani hilaha nsinya wu dzudzaka matluka ya wona—wona, ya tlhela ya vuya nakambe; tani hi hlampfi, na tihomu, na hinkwaswo swi kombisa swona. Phiramidi yaleyo yi yimele mfungho.

¹¹² Yanani exivandleni xa muprefeta kutani mi vona switepe swa nkombo. Hi kwihi laha—hi kwihi laha murindzi a nga hlangana na ntlhontlho wa ku yisa muendzi eka hosi? Le henhla ka switepe leswi; a kuri eka xitepe xa vunkombo. Lahaya ku

kombisa leswaku hi fanele ku ta nakambe hi Moya waluwa a wuri eka Yohana; u tivisile Mesiya. A ri nkulukumba ku tlula vaprofeta hinkwavo; u Wu tivisile. Kutani hi fanele ku fika eka xiyimo, nakambe, eka xin'wana lexi nga ta tivisa Mesiya.

¹¹³ Kutani xana Mesiya... vanhu lava va N'wi pfumelaka sweswi handle ka loko kuruku va tshama vari eRitweni, ku tiva leswi A nga xiswona! Daniel u te, "Lava va tlhariheke va ta xi tiva; kambe swiphukuphuku, lava nga tlharihangiki, va ngaka va nga xi tivi. Va ta tiva Xikwembu xa vona." Sweswi, sweswi, hilaha A nga ta humeleta hakona emasikwini ya makumu, i ku vuyisela vanhu eRitweni, leswaku Mutekiwa a ta tiva Nuna wa Yena, a tiva Muringani wa Yena, Rito leri paluxiweke. Hi xona xivangelo xova leswi swi fanele ku humeleta.

¹¹⁴ A ku ngari tirhifoma; a ku ngari Luther, Wesley, na—na Mapentekostal, na vona. Matsalwa ya ri a ku ngari vona.

¹¹⁵ Kambe swi ta ta. Xexo i xitshembhiso xa Yena eka nguva ley. Hi hanya eka nguva ley ku Vuya ka Yena ku nga tava kona. Mutekiwa u fanele ku tivisiwa eka Yena. Wansati un'wana na un'wana u fanele ku tiviseka eka nuna wa yena, hikuva lava mbirhi va un'we. Na swona Mutekiwa wa Kreste u fanele ku tiviwa na Yena, hikuva lava mbirhi va Un'we; nakona hi Yena Rito, ku ngari dinominexini. Rito! Hi fanele kuva vana va ku Vonakala, na swona ku Vonakala i Rito leri endliweke ku Vonakala eka nguva ley. Xana hi ku tivisa ku yini ku Vonakala handle kova Ku ta ku suka eka Rito? Hi swona. Rito leri endliweke nyama i ku Vonakala ka nguva ley; loko mi Ku vona, nakona Bibele yi virule tano.

¹¹⁶ Vanhu a va langutisile Yesu lahaya, va ku, "Hi swona, Wanuna loyi, hi Yena Mani? Hikokwalaho ka yini, U tswariwile, hi vuhunguki kwalahaya. Hikokwalaho ka yini, tata wa Yena na manana hi *loyi, luya, na lowun'wana*, na lava hinkwavo lahaya." Kambe a va nga N'wi tivi. Loko a va tivile Matsalwa, a va tava na N'wi tivile. U virile tano.

Va te, "Hi vadyondzisiwa va Mux!"

¹¹⁷ A ku, "Loko a mi tivile Mux, a mi tava mi Ndzi tivile, hikuva Mux u tsarile ha Mina." Na swona a va ha pfalekile matihlo ku Swi vona!

¹¹⁸ Ma swi vona leswi a ti tsongahatisekeke xiswona? Ekule na mintlawa, na tidinominexini, na tidyondzo ta kereke, na hinkwaswo. Xikwembu xi nghenile enyameni, hi xivumbeko xa Munhu, Mukutsuri wa Xaka.

¹¹⁹ Mutekiwa u fanele ku tiviwa na Yena. Ha rhambiwa kuva vana va ku Vonakala, leswaku hi famba eku Vonakaleni.

¹²⁰ Ndzi tsundzuka ehansi eKentucky, lahwani ku ngari khale ngopfu, ndzi vile na nhlengeletano. Ehandle, endzhaku ka loko ndzi humerile ehandle ka kereke, a kuri na mukhalabya un'wana

loyi a yimile, na xichuvambara evokweni ra yena. A wela eka kereke leyi yi nga pfumeriki eka ku horisa, na swin'wana. A ku, "Ndzi—ndzi hambana na wena, Makwerhu Branham."

Ndzi ku, "Hi swona, u na mfanelo yo endla sweswo."

¹²¹ A ku, "Wa vona, a ndzi nga amukeli nchumu kukondza ndzi wu vona. Ndzi fanele ku wu vona, wuri erivaleni."

¹²² Ndzi ku, "Kutani u tshame u xi vona Xikwembu, xi ri erivaleni, xi yimile emahlweni ka wena?" Kunene, a nga pfumeli eka swivono na swin'wana.

A ku, "Ee."

¹²³ "Hikokwalaho ka yini," ndzi ku, "kutani a wu mupfumeri, nkulukumba. A ndzi nga ta vulavula na wena. Wa vona? Wa vona? Hi vona leswi Xikwembu xi swi tshembhisaka kutani hi khomelela eka Sweswo."

¹²⁴ A ku, "U swi kumisa ku yini sweswo?" Ndzi ku...A ku, "Tana, yana ekaya na mina hi ya vulavula vusiku lebyi."

Ndzi ku, "A ndzi nga swi koti; ndza swi tsakela. U tshama kwihixana?"

A ku, "U hundza tintshava leti lahawani."

¹²⁵ Ndzi ku, "U ta fikisa ku yini kwalahaya? A wu yi voni yindlu ya wena." Ahaa. Ahaa. Ina. Ina.

A ku, "Hi swona, ku na ndlela leyi hundzaka hi le henhla ka xiganga."

Ndzi ku, "A wu yi voni ndlela." Ahaa.

A ku, "Hi swona, ndzi na xichuvambara."

¹²⁶ Ndzi ku, "Xichuvambara a xi nga kombi layiti ro ya endlwini. Oho, ee. Kambe ndlela ya leyo yi ta ku yisa endlwini. Kambe xichuvambara xexo xi ta kombisa ntsena layiti ra goza rin'we hi nkarhi."

¹²⁷ Hi ta famba eku Vonakaleni, ku Vonakala ko saseka; goza rin'we hi nkarhi, Hosi, ku tshinela ekusuhi na Yena. Ina. Vana va ku Vonakala, amukelani Rito ra Yena, yanani emahlweni mi famba kutani mi hlalela swotala swi phurhumuleka. Mi nga Ri sukeli, swi ngari na mhaka leswaku munhu un'wana u ri yini. Tshamani eka Rona nakona mi ya emahlweni mi famba na Rona, Ri hlaleleni loko ri phurhumuleka na ku tipaluxa rona hi Roxe. Rito i Mbewu; mbewu eka muxaka wa kahle wa misava yi ta humesa muxaka wa yona.

¹²⁸ Xiyisisani Nhlavutelo 10:1 ku fika eka 7, swihundla hinkwaswo swi ta paluxeriwa Mutekiwa, hi murhumiwa wa Kereke ya Laodekiya. Xana ku ngava kuri na loyi a nga na Revised Version Bible? Loko mi ri na yona, mi ta lemuka lahaya yi nge te, "ntsumi," endzeni ka swiangi yi ri, "gama." Wa vona? Ahaa. Ahaa. Wa vona? Murhumiwa eka—eka Kereke ya Laodekiya, wa vona, Nhlavutelo 10:1 ku fika eka 7.

¹²⁹ Nakona u virile leswaku leswi . . . hi siku rero u Yi vonile yi xikela ehansi, kutani u dyile buku leyintsongo. Kutani a kuri na . . . “Yi tlhandlekile nenge wun’we emisaveni, na wun’wana elwandle, kutani yi hlambanya hi Loyi a hanyaka, hi masiku na masiku, leswaku, ‘Nkarhi wu ngaka wu nga havi kona.’” Kutani loko Yi swi endlile, Tindlati ta Nkombo ti pfumisile marito ya tona. Kutani loko Tindlati ta Nkombo ti pfumisile marito ya tona, Yohana u ri a lava ku tsala. Kutani Yi ku, “U nga Swi tsali.” Ahaa. Wa vona? Kutani a Swi lemela.

¹³⁰ Sweswi, un’wana u te, “Hi swona, Swilemo sweswo swa Nkombo, kutani, Makwerhu Branham, sweswo swi ta paluxiwa emasikwini ya makumu, xihundla lexikulu xa hilaha hi nga ta tshinela ekusuhi na Xikwembu?” Ee, nkulukumba, swi ngaka swi ngavi tano.

¹³¹ “Un’wana na un’wana loyi a nga ta hunguta Rito rin’we eBibeleni leyi, kumbe ku engetela rito rin’we eka Yona, xiave xa yena xi ta susiwa, eBukwini ya Vutomi.” Leswi swi nga swona, i nhlalavutelo wa leswi nga hupiwa le ndzhaku, ku swi tisa. Swi tsariwile khale *Lahawani*. Swi kona Lahawani. I swo paluxa leswi ku nga khale swi tsariwile. Wa vona? Hikuva, mi ngaka mi nga engeteli nchumu na wun’we eka Yona, kumbe ku susa Rito rin’we eka Yona.

¹³² Ku avanyisa ko sungula ka Nhlav- . . . wa-wa Bibele, eku sunguleni, Geneza. Wansati un’wana a nga Wu pfumelanga hi ku hoxisa, kambe u lo toloka hi ku hoxisa, a pfumelela Sathana a n’wi tolokela hi ku hoxisa, rito rin’we, “kunene.” Wa vona? Kutani, ku sukela eka sweswo, swi vangile ku karhateka loku hinkwako. Nakona sweswo a kuri Xikwembu xi vulavulaka, Rito ra Xikwembu.

¹³³ Kutani eka ku avanyisa ko hetelela ka Nhlavutelo, Yesu hi Yexe, Xikwembu xexiya, ku te, “Un’wana na un’wana loyi a nga ta hunguta Rito rin’we, kumbe ku engetela rito rin’we eka Yona.”

¹³⁴ *Lowu* i nhlavutelo lowu heleleke wa Yesu Kreste. [Makwerhu Branham a bambatela Bibele ya yena—Muhleri.] Na swona Swilemo swa Nkombo a swiri na swihundla leswi fihliweke, swa leswi a Wu ri swona; nakona wu fanele ku Swi lemula hi siku ra makumu, hi nguva ya Laodekiya, emakumu ka nkarhi. A ku khensiwe Xikwembu! Sweswo swi hetisisa Hungu eka Kereke. Sweswo swa Ri hetisisa. Loko va languta endzhaku na ku vona leswi ngava kona, na ku vona laha hinkwaswo swi fikisiweke kona, sweswo swa Yi hetisisa, nguva ya Kereke.

¹³⁵ Sweswi xiyisisani tinanga leti hi vulavulaka hi tona, i ku vitanelu kun’we ka hambi ku ngava kuri ka nkhuvo, ka nyimpi, ka munhu, ka siku ro karhi ro hlawuleka, kumbe swin’wana swo tani hi sweswo. Xiyisisani. Mi ri, “Ka munhu?” Ina. Kumbe, hi lembe ra jubili, ku tivisiwa ka ku ta ka ntshuxeko, loko va tlhelela endzhaku; sweswi, hi nga teka mpundzu hinkwawo

eka nchumu walowo wun'we. Kambe, sweswi, ku nghena eka tinanga. Mi na masungulo sweswi, ya Swilemo na Kereke, sweswi hi ya nghena eka tinanga. Nanga yi yimbile, nakona nanga yi vika xin'we eka nyimpi, kumbe siku ra nkhuvo. Kumbexani, leswi yi vulaka swona, i, "ku hlangana kun'we ka vanhu," *nanga*.

¹³⁶ Paul u te, "Loko nanga yi yimba pfumawulo lowu nga tivekiki, i mani loyi a nga tilulamiselaka nyimpi, kumbe ku rhula, kumbe hambi ku ngava yini?" I mani a swi tivaka? U fanele ku tiva leswi nanga yi swi yimbaka.

¹³⁷ Hikokwalaho, loko nanga yi yimba, hi vona swin'wana emisaveni namuntlha. Ku na ku karhateka lokukulu kun'wana. Un'wana na un'wana wa swi tiva. Un'wana na un'wana u hundzukile loyi a chavaka. Misava hinkwayo i misava ya nchavo, nakona ha swi tiva leswaku swin'wana swi hoxekile. Pentagon, hinkwako, ha swi tiva leswaku ku na swin'wana swi nga hoxeka.

¹³⁸ Sweswi, ndlela yin'we ntsena leyi mi nga ta tiva leswi ku yimba ka nanga ku nga swona, i ku languta leswi Xitsi ra Vunanga ri swi vulaka. Hi sweswo ntsena. I vuqambhi lebyikulu, wa vona, na ku chaya.

¹³⁹ Tani hi, *Peter and the Wolf*, wa vona, loko mi...loko... Nakona e—e mutsari u tsarile buku, na swona mufambisi u fanele kuva emoyeni wun'we wa mutsari. Loko a nga endli tano, u nyika biti leyi yi hoxekeke, kutani nchumu hinkwawo wu va wu humile.

¹⁴⁰ Sweswo hi leswi nga xiphijo namuntlha. Hi na vafambisi votala swinene eka...lava nga riki eMoyeni wa Mutsari. Va ri, "Dinominexini, hi swona, hi pfumela *leswi*."

¹⁴¹ A swi na mhaka leswaku mi ri yini, Bibele yi lulamile. Yi chayeni hi kuya hi Xitsi ra Vunanga kwala mahlweni ka yona, kutani vuqambhi lebyikulu bya swendlo leswikulu swa Xikwembu byi ta tlanga kahle, kutani hi ta vona awara na laha hi yimeke kona.

¹⁴² Xiyisisani sweswi, nanga i yo vitanelu vanhu kun'we, yi va hlengeleta kun'we hikwalaho ka swin'wana. Nkarhi wun'wana a yi vika munhu wa nkoka.

¹⁴³ Tani hi le ka Yosefa, va yimbile nanga, nakona Yosefa a humelela; leswi nga e—e xikombiso xa "Nanga Leyikulu" leyi hi vulavulaka hi yona, na ku ta nghena eka yona endzhaku ka nkarhi, eka Esaya. Leyi nge, "Loko Nanga Leyikulu yi yimba, loko mujeko walowo wu ta tlakuseriwa ehenhla, ehenhla lahayha; kutani ku ta fika nkarhi laha Nanga Leyikulu yi nga ta yimbiwa, kutani matiko hinkwawo ya ta hlengeletana eYerusalem." Sweswo hi loko Mileniyamu yi sungula; Nanga Leyikulu.

¹⁴⁴ Sweswi, ku vitana loku, ka nkhuvo wa tinanga, i ku ta ka swin'wana. Xiyisisani Nhlavutelo 8:7, loko mi lava ku tsala ehansi. Hi lemuka Nanga leyo Rhanga, ku hangalakile xihangu,

ngati, ndzilo, ehenhla ka misava; ku fana na Eksoda, loko Xikwembu xi ri karhi xi vitanela vanhu va Xona ehandle, eka eksoda.

¹⁴⁵ Sweswi, xivangelo xa kuva Tinanga leti ta Nkombo ti nga tirhi eka Kereke leyi na nguva leyi, i kuva ti ri ta Israel ntsena. I ku vitana, ka ku hlengeletana ka vanhu. Nakona sweswi kuna nkoka wun'we ntsena lahawani lowu ndzi lavaka leswaku mi nghena eka wona, eka timinetse tintsongo, hi laha mi nga ta vona leswaku hikokwalaho ka yini leswi swi nga tirhi eka nguva leyi hi hanyaka eka yona; Tinanga ta Nkombo.

¹⁴⁶ Ndzi tiva vanhu votala lava hambanaka na sweswo, kambe ndza swi tiva leswaku hi leswi. Ndza swi tiva. Ku ngari hikuva ndzi vula leswaku mi le ku swi vuleni; hikuva, a ndzi swi kumanga eka mina n'winyi. Mianakanyo ya mina—mina a hi ya mina n'winyi. Hambi ku ngava yini Lexi xi ndzi byelete, loko Xi hoxekile, kutani xi hoxekile. Kambe a ndzi swi vuli hi yumina, ndzi swi vula hi leswi Munhu un'wana a swi vuleke. Munhu yaloye i Xikwembu lexi vulavuleke na hina na ku endla swilo hinkwaswo leswi Xi swi endleke, na ku humelela, wa vona, swingaleswi ndza swi tiva leswaku swi lulamile.

¹⁴⁷ Ku—ku hlengeletana ka Israel i Tinanga. Tinanga i to hlengeleta Israel. Xiyisisani, Nanga leyo Rhanga yi yimba; ngati, ndzilo, xihangu, na hinkwaswo, yi hangalassa misava. Wa vona? Xana a Xi endla yini? Ku humesela Israel ehandle ka Egupta ya ximoya, wa vona, ku tlheleta ekaya ka rona.

¹⁴⁸ Sweswi ndzi pfumeleleni ndzi vula leswi lahawani, leswaku, Nanga yin'wana na yin'wana leyi yimbeke, yi yimbile ehansi ka Xilemo xa Vuntsevu. Hi ta nghena eka swona eka timinetse tintsongo, laha hi kumeke Xilemo kwalahaya. Tinanga hinkwato ti yimbile ehansi ka Xilemo xa Vuntsevu.

¹⁴⁹ Hikuva, eka Xilemo xa Vuntsevu, a kuri na ku miyela. "Ku hava loyi a swi tiva; leswaku yaleyo a kuri minete kumbe awara leyti Kreste a fanele ku ta," tani hilaha A hi paluxeleke swona.

¹⁵⁰ Kambe Nanga yin'wana na yin'wana yi yimbile ehansi ka Xilemo xa Vuntsevu, ehansi ka ku xanisiwa ka Mayuda. Xiyisisani, Nhlavutelo sweswi, ya vu8, ku sungula hi ndzimana ya vu7. Hinkwaswo a kuri ku vitaneriwa ka Israel ehandle, ka ntumbuluku, e Egupta; sweswi i ku vitaneriwa ka Israel ehandle, hi ndlela ya ximoya. A xi va lulamisela kuya eka nkhuvo wa Xikhumelo.

¹⁵¹ Xiyisisani, nkhuvo wa tinanga a wuri wo sungula, lowu a wuri pentekosta. Nkhuvo wa xikhumelo wu landzerile, endzhaku ka makume ntlhanu wa masiku. Nkhuvo wa xikhumelo, wu hlayeni lahawani. Hi ta, kumbexani, loko hi ri na nkarhi, hi ta kongomisa eka wona na ku mi hlayela wona ku suka eBibeleni, kwala eka Levhitika 12, sweswi, kumbe Levhitika 23, swa antswa, na Levhitika 16. Hi kuma leswaku

lowo sungula a kuri nkhuvo wa—wa tinanga. A kuri xikhumelo na e . . . endzhaku ka wona ku landzerile pentekosta, sweswi hi kuma leswaku . . . Nkhuvo wa xikhumelo wu landzerile nkhuvo wa tinanga.

¹⁵² Xiyisisani sweswi, Nanga yi yimbile, nakona sweswo a kuri ku va hlengeleta kun'we. Sweswi, Nanga yo Rhanga yi yimbile, ku va na xihangu, ngati, ndzilo, swi haxiwa ehenhla ka misava, ntsena tani hilaha a swiri xiswona e Egipta, ku lulamisela ku va vitanela eka Siku ra Xikhumelo. Wa vona? Va arile Xikhumelo xa ntiyiso. Kutani lembe leri ri lehiseriwe ku fika lahwani, ri vile lembe ra pentekosta. Wa vona? Sweswi ku yimberiwa ka Mayuda ka landzela.

¹⁵³ Leswi swi vile ku vitaneriwa ehandle ka Kereke. Langutani hi vukheta. Sweswi, laha, endzhaku, Xi va yisile etikweni ra xitshembhiso; laha Xi nga ta endla nchumu lowu fanaka, laha, hi xikombiso, Xi yisaka Kereke etikweni ra xitshembhiso.

¹⁵⁴ Tsundzukani, Nanga yin'wana na yin'wana leyi yi nga yimba ehansi ka Xilemo xa Vuntsevu, hi kona ntsena laha yi yimbeke.

¹⁵⁵ Xiyisisani sweswi, hakunene, ku yisa emahlweni ka Matsalwa, ku fana hakunene. Ehansi ka Nanga ya Vunkombo, i swa Israel ku fana na leswi Xilemo xa Vuntsevu a xi ri xa Kereke. Hi kuma, ehansi ka Xilemo xa Vunkombo, leswaku loko mimoya leyi a yiri ehansi ka altari lahaya, leyi amukeleke tinguvu . . . Yi nyikiwile tinguvu, ku ngari leswaku yi hakeriwile tona, hikuva a yi ri eka ku averiwa loko Xikwembu xa ha ri eku tirhaneni na Vamatiko hi tintswalo, ku ngari Mayuda. Israel i rixaka leri ponisiweke. Xikwembu xi tirhana na Israel tani hi rixaka. Vamatiko i “vanhu hikwalaho ka Vito ra Xona,” ku ngari rixaka hikwalaho ka Vito ra Xona. Israel!

¹⁵⁶ Kutani loko Hitler na van'wana va xanisa Mayuda, na ku endla swilo leswi va swi endleke ehansi ka sweswo; langutani, vona, Stalin, Hitler, na hinkwavo lava valerisi lavaya va va pfuxeke. Loko a hiri na nkarhi, lowu, ku swi pfuxetela lava taku ro sungula, kambe hi hundzile eka swona. Ehansi ka nguva leyi fanaka, leyi ngava kona ejarimani na—na matiko laman'wana hinkwawo, Mayuda ma hangalakile emisaveni hinkwayo. Kambe ku pfukile, eka makume mbirhi wa malembe lawa ya hundzeke, ku xanisiwa ka tihanyi ka Mayuda.

¹⁵⁷ Ndzi vile kona le tindhawini letiya ta khale laha va hiseleke mintsumbu ya vona, na ku yi endla nkuma, na ku tirhis a . . . ku tirhis nkuma wa vona ku nonisa misava, vana va Mayuda, na vavasati, na hinkwaswo. Kutani va ringeta ku swi kaneta; va va teka va ya va komba laha swi endleriweke kona.

¹⁵⁸ Ku vile ku xanisiwa ka tihanyi ka Israel, hikuva ku vile nkarhi wa ku ri vitanela endzhaku eka Xikhumelo. Ra hari ehansi ka xikhumelo xa xinyimpfana xa ntumbuluku. Xinyimpfana xa xiviri xa Xikwembu i Xikhumelo, nakona ri Xi

arile, kutani Ngati yi vile ehenhla ka rona ku sukela kwalano. Xiyisisani, ku lulamisa vanhu! Hilaha Nanga ya Vunkombo na Xilemo xa Vunkombo swi hetisekeke hakona, kahle kun'we, ku xanisiwa ka Mayuda.

¹⁵⁹ Xiyisisani, eka Nhlavutelo ku avanyisa ka vu9 na ndzimana ya vu13, xiyisisani hi vukheta sweswi, ehansi ka Nanga ya Vuntsevu. Nhlavutelo 9:13, ehansi ka Nanga ya Vuntsevu, xiyisisani, a kuri na madzana mbirhi wa magidi ya vakhandziyi va tihanci lava va bohiweke enambyeni wa Eufrat, va ntshuxiwile ehansi ka Nanga ya Vuntsevu. Sweswi ku hava madzana mbirhi wa magidi ya vakhandziyi va tihanci emisaveni; kambe a kuri na madzana mbirhi wa magidi ya vakhandziyi va tihanci. Swi xiyisiseni. Ndzi lava leswaku mi swi tsala ehansi, leswaku mi ta swi hlaya.

¹⁶⁰ A ti ngari tihanci ta ntumbuluku. A ti hefemula ndzilo, na swona a tiri na swisirhelelo swa le xifuvani swa yasper, nakona—nakona a tiri na mincila. Kutani makumu ya ncila a ya languteka kukota nyoka, nhloko ya nyoka emakumu ka wona, leyi lumaka. Wa bona? A kuri tihanci ta ximoya, madimoni ya ximoya, tihanci ta nyimpi, leti a ti bohiwile e Eufrat malembe lawa hinkwawo, madimoni ya le enhla ka ntumbuluku. A kuri yini xana? Mfumu wa Rhoma wa khale lowu a wuri eku pfuxiweni; ku xanisiwa ka Mayuda. A ti bohiwile ku lava ku ringana na magidi mbirhi wa malembe, enambyeni wa Eufrat, a va nga ta tsemakanyela eka xitshembhiso; vandla ra vukhongeri leri a ri ringeta ku fika etlhelwени lerin'wana. Eufrat, ma swi tiva, yi huma e Eden. Kambe a ti bohiwile kwalahaya, madzana mbirhi wa magidi ya madimoni ya ku xanisa.

¹⁶¹ Kutani xiyisisani leswi humelelaka ehansi ka Nanga ya Vuntsevu. Ti ntshuxeriwe ehenhla ka Mayuda; ku xanisiwa ka Mayuda. Madimoni lawa ya nga ehenhla ka ntumbuluku, ku lava ku ringana na magidi mbirhi wa malembe, kutani ti ntshuxiwa hi Stalin, Hitler, ehenhla ka Mayuda. Mi ri, "Hi swona, sweswo a hi Xirhoma." I moyo wun'we. Va endlile nchumu wun'we lowu va wu endleke eka Vakreste, hi masiku ya Rhoma ra xihedeni ra xikhale. Langutani Israel ya ntumbuluku sweswi, na Kereke ya ximoya sweswi, loko hi ri karhi hi swi hambanyisa lahwani. Ti ntshuxeriwe ehenhla ka Mayuda.

¹⁶² Ma tsundzuka, ehansi ka Xilemo xa Vuntsevu, hilaha un'wana na un'wana wa vaxanisiwa lavaya, hi kuya hi—hi kuya hi Rito ra Xikwembu, va amukerile tinguvu. Va nyikiwile tona hi tintswalo, hikuva va pfariwile matihlo leswaku va nga voni Evhangeli ya bona, leswaku vanhu lava va ta vitaneriwa ehandle ka Vamatiku hikwalaho ka—ka Mutekiwa. Va nyikiwile tinguvu, Bibele ya swi vula lahwani, ehansi ka Nanga yaleyo. Vona Mayuda, lava kunene-nene va Iwisanaka na Kreste na hinkwaswo; xivangelo xa sweswo, i kuva Bibele yi te va pfariwile matihlo. Nakona va pfariwile matihlo hikokwalaho ka n'wina.

Na swona Xikwembu lexi lulameke xa swi tiva leswaku va ta Yi amukela, kambe va pfariwile matihlo hikokwalaho ka n'wina. Bibele yi vurile tano.

¹⁶³ Hi walowo mfumo wa Rhoma, wu bohiwile lahaya hi (yini?) matimba ya xikereke. Leswi, Rhoma, Rhoma ya xihedeni yi hundzukeke Rhoma ya xiphophu, nakona a yi bohiwile lahaya hi mindhavuko ya yona ya Vukreste. I xiphemu xihi xa Vukreste, na-na ripfumelo-hava leri a yiri na rona hi kuva Rhoma ri veketela leswi hinkwaswo kun'we; ku gandzeriwa ka vavasati, na swilo swa tinxaka letin'wana hinkwato, na masiku ya Khisimus, na tiholodeni, na masiku yo kwetsima, na swin'wana. Yi bohiwile na ndhavuko walowo lowu yi nga taka yi nga wu tshiki, hikuva yi lwisana na milawu ya Xikreste. Ka hari wona lowo biha, moya wa xihedeni! Nakona moya walowo wu phasekile ematikweni ya misava, hi kuya hi vuprofeta bya Ezekiel na hinkwavo ka vona.

¹⁶⁴ Kutani ti ntshuxeriwe ehenhleni ka Mayuda, lava a va nga tivi nchumu hi ta Moya. Hi sweswo swihundla swa n'wina leswi fihliweke ehansi ka Xilemo xexo lahaya. Wa vona? Swi xiyisiseni. Hi hundzile eka swona. Kutani ndzi ta mi komba Nanga leyilahawani, Nanga leyo hetelela, leswi swi humelelaka. Hi letiyani lahaya. Tinanga leti ti ntshuxeriwe ehenhla ka Mayuda, (a mi swi voni xana?) ku ngari ehenhla ka Vamatiko. Vamatiko, loko Swilemo swa vona swi lemuriwile, va lemeriwile ekule; nkarhi wu herisiwile; Kereke yi vitaniwile.

¹⁶⁵ Ma xi tsundzuka xivono xa siku leriyi? Ma wu tsundzuka nhla-... nkombiso wa xona? I vanganu va xi tsundzukaka, Sonto hi nga se fika eka lowu nga hundza? Hilaha a swiri hakona lahaya, swi hundzile hi kona. Hi xi vonile, kunene-nene, hi vonile lowo thyaka, nchumu lowo biha wu humelerile, lowu vitaniwaka kereke, nhlambha kuya emakumu. Na yena Mutekiwa lontsongo, wa tinxaka hinkwato, un'wana na un'wana wa vona a ambele kukotisa rixaka leri a humaka eka rona, a ri karhi a tifambela kahle emahlweni ka Hosi.

¹⁶⁶ Mi xiyisisa, ku tava na nkarhi, nkarhi wun'wana, laha va nga taku, "Hi swona, a ndzi eheketa leswaku Kereke a yi fanele ku famba ku nga seva na ku xanisiwa. A ndzi eheketa leswaku ku tava na ku Tlhandluka."

"Swi hundzile khale nakona a wu swi tivanga."

Sweswo hi leswi A swi vuleke mayelana na Yohana nkarhi wun'wana, ma swi tiva.

¹⁶⁷ Va te, "Njhani, xana u vulela yini leswaku vaprofeta lava... vatsari, leswaku swi fanerile Eliya a rhanga a ta?"

¹⁶⁸ A ku, "U tile khale." Na vona vadyondzisiwa a va nga swi tivi. "Va n'wi endlile hinkwaswo leswi va swi longoloxeke."

¹⁶⁹ Ntlhandluko wu tava hi ndlela leyi fanaka. Eka—eka awara... U tshembhisile ku endla sweswo. A nga tshembhisanga ku kombisa Eliya kukotisa sweswo, kambe U tshembhisile ku teka Mutekiwa kukotisa sweswo. “Hi awara leyi mi nga tava mi nga yi ehleketeleli,” ku hundzuluka ntsena, hi xinkadyana xa ku copeta ka tihlo, mi vutleriwa ekule. Kutani mi fambile, kutani walowo hi wona nkarhi wa kona!

¹⁷⁰ Magidi mbirhi wa malembe, moya lowu hi vanhu va Rhoma, kereke ya Rhoma, a yi nga ta famba. Kambe ku ta ka moya walowuya, ro sungula, le hansi eka Mussolini eRhoma, mulerisi. Ma swi tiva leswa ntlhanu...

¹⁷¹ Nkombo wa swilo leswi A ndzi kombeke swona, hi '33, leswaku swi ta humelela. Ntlhanu wa swona se swi hundzile. Dokodela Lee Vayle u le ku tsalen'i ka buku hi swona sweswi lahaya. Wa vona? Swilo swa ntlhanu, hi ku hetiseka, na swona ka hari na swimbirhi leswi nga ta humelela. U te, “Swi ta humelela ku nga seva na ku Vuya.” Hi hina lava kwale makumu sweswi, kutani swi tikomba ingaku nchumu luwa wa vuntsevu wu le kuteni. Wa vona? Hi ku hetiseka, kunene, hambi kuri tinyimpi na hilaha ti nga ta humelela hakona, ku pakanisa na xicoticoti, nakona ku hava na nkarhi na wun'we laha wu nga hupa.

¹⁷² Yingisani, vanakulorhi, hi fanele ku hlaya xitoko eka awara yin'wana na yin'wana. A mi ku tivi laha hi yimeke kona. Ekusuhi swinene!

¹⁷³ Sweswi, u chuchiwile, ehenhleni ka, ehansi ka Xilemo xexo xa Vuntsevu, madzana mbirhi wa magidi ya madimoni lawa ya ximoya, ya sungurile eRhoma, eJarimani, hi Hitler. Nakona xiyisisani eBibeleni, laha va amukeleke, a va kalanga... Va amukerile matimba tani hi tihosi, kambe a va ambexiwanga swidlodlo. Mulerisi a nga ambexiwi xidlodlo xa vuho; ntsena u amukela matimba tani hi hosi.

¹⁷⁴ Oho, Moya wa Xikwembu wu le ku famba-fambeni eka mina sweswi, ma swi tiva, wu le ku vuleni ka swin'wana. A ndzi tivi hilaha ndzi nga swi vulaka hakona, na hambi kuri leswi ndzi nga swi vulaka, kutani kumbexani swa antswa ndzi nga swi vuli.

¹⁷⁵ Xiyisisani, magidi mbir...madzana ya magidi ya madimoni ya ntshuxeriwe ehenhla ka Mayuda lavaya, loko va va hisa, va va vambile. Va hoxile tibaluni endzeni ka minsisha ya vona. Va va dlayile, kukondza va nga hari na gasi yo va dlaya hi yona. Nakona va va baleserile, kukondza va nga hari na maqulu yo va balesela hi wona. Na swona va—naswona va endlile hinkwaswo leswi a va ta swi endla. Va hisile mimiri ya vona, na hinkwaswo; na ku va hayeka etidarateni, vana na hinkwavo, vanhu lava nga riki na nandzu. Hikwalaho kova vari Mayuda, va endliwile hi ndlela yaley. Kambe Xikwembu xi te Xi va nyika nguvu un'wana na un'wana wa vona, na hilaha

va nga ringanelangiki hakona; kambe tintswalo ta Xona ku va pfala matihlo leswaku hina hi ta vona.

¹⁷⁶ Xilemo xa Vunkombo a xi se lemuriwa, ma swi tiva. Sweswo i ku Vuya ka Yena.

¹⁷⁷ Swingaleswi loko va hari kwalahaya, kambe, Wa hi kombisa lahwani, eka nkombiso. Tani hi Yohana, U n'wi vutlerile ehenhla.

¹⁷⁸ Kutani nkarhi wun'wana, a ri karhi a famba ehenhla ka lwandle, ma swi tiva; u te, "Ku tava yini ka yaloyi a tiseketeleke exifuveni xa Wena xana?"

¹⁷⁹ A ku, "Ku ngava yini eka wena loko a tshama kukondza Ndzi vuya-ke?" Wa vona, a nga kalanga a tshama, kambe U n'wi vutlerile ehenhla na ku n'wi komba sweswo, nchumu lowu humeleleke kukondza A vuya. U lo n'wi komba ntsena, ku kombisa makungu hinkawo eka Yohana.

¹⁸⁰ Xiyisisani, sweswi hi kuma leswaku matimba lawaya ya ntumbuluku ehansi ka swa ntumbuluku, eka rixaka ra ntumbuluku, Israel, a ya ntshuxiwile kwalahaya. Kutani xana ya endlile yini? Ya fambile ya ya endla nyimpi, na swona hilaha ya nga dlayetela na ku xanisa hakona.

Sweswi hi mfumu wa xikereke eka wona! Ndzi...xana mi...

¹⁸¹ Ndzi navela kuva Xikwembu xi pfula matihlo ya n'wina eka leswi sweswi. Hikuva, ndza swi lemuka leswaku leswi a kova ku vulavula na kereke leyi lahwani. Thepi leyi yi famba misava hinkwayo. Nakona a ndzi vuli ku vavisa matitwele ya munhu na un'we, kambe ntsena ku vula Ntiyiso.

¹⁸² Sweswi mfumu wa xikereke wu pfuriwile, ku suka eka mpfuxelelo wa ntumbuluku wa Rhoma ya vuheneni ya khale, wu ya emahlweni eka Mayuda lawaya, lava ngava valala va wona minkarhi hinkwayo. Nghala, na meno na hinkwaswo, yi rhelerile le hansi kutani yi phatlulela vanhu. Rhoma, yi vile nala wa Xikwembu hi minkarhi hinkwayo! Nakona yi ntshuxiwile yi ri hi moyo lowu fanaka, hi valerisi va misava, hikuva mafambisele ya swa vukhongeri a ya ha khomelerile. Sweswi yi ntshuxiwile.

¹⁸³ Xana yi endlile yini? Hi "vukanganyisi," tani hilaha A vuleke hakona, u nghanile endzeni hi rimphutiso. Kutani xana u endlile yini? U le ku tiseni ka Protestant Ecumenical Council wa Tikereke ta Misava, moyo wa antikreste ehenhleni ka vumbirhi bya vona, ku va yisa eku dlayiweni, tani hilaha va endleke lavan'wana, hi awara ya ku vitaniwa ka Mutekiwa. Njhani? Yi ntshuxiwile hi moyo swa xikereke. Yi ntshuxeriwe ehenhla ka yini? Ku ngari ehenhla ka tidinominexini; ehenhla ka Mutekiwa! Kambe mi ta swi kuma lahwani, Mutekiwa a ngaka a nga hundzi eka nkarhi walowo. Bibele a yi vuli tano. Kereke yi ta

hundza kona, kambe ku ngari Mutekiwa. A mi swi voni xana? Tiministara, xana a mi swi voni sweswo, vamakwerhu?

¹⁸⁴ Mi ri, “Kereke yi fanele ku hundza eka nxaniseko, hikwalaho ka—hikwalaho ka ku hetiseka ka Yona.” Ngati ya Yesu Kreste yi hetisekisa Mutekiwa.

¹⁸⁵ Wanuna loyi a hlawulaka nsati a nga n’wi veki ehansi ka minxupulo yotala; u kumile tintswalo khale, yenavu, na nsati; nsati u kumile tintswalo na wanuna. Wanuna—wanuna u vuta nsati. Kutani, loko kuri na swin’wana, wanuna u hlayisa nsati eka ndhawu yin’wana na yin’wana ku n’wi hundzuluxa voko. Tintswalo ta yena ti tele swoonghasi ehenhla ka vona.

¹⁸⁶ Nakona swi tava tano ehenhla ka Mutekiwa, nakona swi tano eka Mutekiwa. Hina swivumbiwa leswi nga ringanelangiki, leswi faneleke hi tihele, kambe tintswalo ta Yena ti hi khomelela ku hundza eka tona. Langutani leswaku i vangani lava lahlekeke na ku pfaleka matihlo! I vangani, i vadyohi vangani lava a vari kona emisaveni, hi awara leyi ndzi ponisiweke! Xikwembu xi ndzi ponisile hikwalaho ka xikongomelo; nakona ndzi tiyimiserile, hi ku rhandza ka Xona, ku endla xikongomelo xexo. A ndzi na mhaka leswaku leswin’wana swi ya kwihi; ndzi lava ku xi endla.

¹⁸⁷ Naswona hi awara leyi ndzi nga ta vona tikereke, vusaseki bya tona lebyikulu, “ndzi mufuwi, nakona a ndzi pfumali nchumu,” va vula tano; kutani mi va vona, va ri na khombo, swisiwana, va pfalekile matihlo; kutani va mi bampatela emakatleni, va lava leswaku mi xavelelana na vona. Ndzi tswariwile hi xikongomelo, lexi nga ku avanyisa nchumu walowo na ku vitanelo ehandle. Leswi ndza swi endla.

¹⁸⁸ Tsundzukani, loko Yesu a ta emisaveni, a ku ngari na xa dzana ra vanhu emisaveni lava nga kala va swi tiva leswaku A ri kona. A tile ku ta kuma ntlawa luwa a wu hlawuriwile. U te, “A ku na munhu loyi a nga tako eka Mina loko a nga kokiwi hi Tatana wa Mina. Nakona hinkwavo lava Tatana a nga na vona,” nkarhi lowu nga hundza, “lava ndzi nyikiweke vona, va ta ta. Va ta swi tiva. Va ta Ri twa.”

¹⁸⁹ Xiyisisani ku ntshuxiwa ka moyo lowu wa xikereke. Sweswi makume mbirhi wa malembe endzhaku ka swona, endzhaku ka nyimpi yaleyo, hi vona ku ntshuxiwa ka moyo wa xikereke. Ehansi ka yini xana? Xilemo xa Vunkombo; Nanga ya Vunkombo eka Mayuda.

¹⁹⁰ Langutani ku dzwihala ka n’weti. Ehansi ka yini xana? Mi swi vona swi kokeriwile ehandle, N’wana wa munhu a ri karhi a susiwa ekerekeni.

¹⁹¹ I yini xana? Ku joyinana na ntlawa wa xikereke. E—e mpfhumba ra huvo ya swa vukhongeri, na Huvo ya Nhlangano wa Tikereke ta Misava, ti susile munhu un’wana na un’wana.... Xana nchumu walowo wu yimele yini? Hikokwalaho ka yini, u fanele ku cukumeta ku dyondzisa ka wena hinkwako ka

xievhangeli na swin'wana. "Xana vambirhi va nga fambisa ku yini swin'we va nga pfumelelananga?" Va ngaka. Yesu u te va ngaka. Na swona xana kereke yi nga swi endlekisa ku yini, Methodist na Baptist ti famba swin'we? Xana swi nga endlekisa ku yini kuva Church of Christ yi famba na Mapresbyterian? Xana swi nga endlekisa ku yini kuva Khatholiki yi famba na Protestant? Xana swi nga endlekisa ku yini kuva Protestant yi famba na Protestant?

¹⁹² Kambe Mutekiwa a nga famba na Rito, leri nga Kreste. Swi fanele kuva eka ntwanano. Ku ngari mafambisele ya xikereke; kambe Rito. Mi fanele ku twanana na Rito, ku famba na Rito. Yesu u vurile tano. Sweswo swa swi lulamisa.

¹⁹³ Xiyisisani, hi luyani sweswi. U ntshuxiwile, ku ta vitana hinkwaswo swilo leswintsongo leswi faneleke ku hetisiwa, "Oho, hi swona, a swi endli ku hambana na kan'we, hambi swiri tano."

¹⁹⁴ Sweswo hi leswi Sathana a swi byeleke Evha, "A swi endli ku hambana na kan'we. Swi lulamile. Kunene, Xikwembu i Xikwembu xa kahle. Xi hi rhandza hinkwerhu." A xi endli tano.

¹⁹⁵ Mi twa swotala mayelana na Swona kuva xi ri Xikwembu xa kahle. Hi Xona Xikwembu xa kahle, kambe, kuva kahle, Xi fanele kuva lexi lulameke. Ku hava vunene ehandle ka vululami. Ku hava vululami ehandle ka nawu, ehandle ka nxupulo, ndziho. Swingaleswi hi le ka awara yaleyo, leyи hi hanyaka eka yona.

¹⁹⁶ Xiyisisani, hi xihatla sweswi, madimoni lawa ya nga ehenhla ka ntumbuluku. Kutani, ehansi ka—ka nseketelo wa United Nation, mintlawa leyи hlanganeleke kun'we, Evuxeni nale Vupela-dyambu.

¹⁹⁷ Ntsena tani hi nenge wa xinene na wa ximatsi wa xifaniso lexi Daniel a xi voneke, hilaha a yi nga twanani na ku ka yi nga twanani. Nakona rito Eisenhower, hi nkarhi luwa... *Eisenhower* swi vula "nsimbhi." *Khrushchev* swi vula "vumba." Kutani u hluvurile ntanghu ya yena ivi a yi bananisa [Makwerhu Branham a gongondza ephulupitini—Muhleri.] edesikeni e...loko League of Nations, kumbe U...e UN. Khrushchev u swi endlile, ku phumundha... Oho, mina! Awara leyи hi hanyaka eka yona! Kereke na xiyimo xa yona!

¹⁹⁸ Kambe, a ku khensiwe Xikwembu, Mutekiwa lontsongo u Tilulamiserile. A swi hlweli. Khomelelani ntsena. A swi nge hlweli. A ndzi tivi ku swi ta lehisa ku yini, a ndzi tivi leswaku swi tava rini; ku hava loyi a swi tivaka. Kambe ha swi tiva leswaku swi le kusuhi sweswi, kunene.

¹⁹⁹ Vonani nhlangano wa swa kereke. Vonani walowo, ntumbuluku, leswi wu swi endleke eka Mayuda. Lavaya a vari vanhu lava a va khomelerile eka milawu ya Xikwembu. Swi ngari na mhaka leswaku i tikereke tingani leti pfukaka, hi swihi swin'wana, a va pfariwile mathlo eka Kreste, kutani a va khomelerile eka nawu. Nakona Xikwembu xi va nyikile

tinguvu, un'wana na un'wana wa vona, hikuva va yile ehansi hi ku xanisiwa. Wa vona? Vona va—vona va . . . A va pfariwile matihlo hikokwalaho ka hina.

²⁰⁰ Lahawani sweswi, Kereke, leyi nga tiviki nchumu handle ka Bibe. Handle ko tekela mafambisele ya xikereke enhlokweni, dinominexini, a va nga tivi nchumu hi mayelana na swona. Hinkwaswo i swilo swimbe eka vona. Va N'wi tiva, nakona va tiva Yena ntsena.

²⁰¹ Vanhu namuntlha hi ndlela yin'wana va kotisa leswi Petro na van'wana a vari xiswona, le henhla eNtshaveni ya Nkwetsimo. Hinkwavo va tatiwile hi nyanyuko loko va vonile ku endleka ka leswi nga ehenhla ka ntumbuluku, kutani un'wana wa vona a ku, "Hi ta endla kereke yin'we ya—ya vaprofeta, na yin'we yi va ya Muxe."

²⁰² Kutani yaleyo i ndlela leyi vanhu, Mapentekostal va endleke hakona. Va te, "Hi ta endla yin'we yi va, Assembly of God; na yin'we, church of God; na yin'we, Oneness; na yin'we, Twoness," na swin'wana swo tani hi sweswo.

²⁰³ Kambe loko a hari eku vulavuleni, Yehovha a huwelela, "Loyi i N'wana wa mina loyi a rhandzekaka," Loyi a nga Rito, "N'wi yingiseni!" Wa vona? Hi yena Rito.

²⁰⁴ Awara leyi hi hanyakaka eka yona, xikereke, xa mimoya leyi hlanganelaka kun'we sweswi na ku va yisa hinkwavo eku dlayiweni lokukulu, ku va khubumeta. I khale swi tsariwile lahawani, etikweni leri sweswi, leswaku tikereke leti ti fanele ku pfariwa handle ka loko mi wela eka vandla. I nhlangano, i xikhirhi, ntsena tani hi mfungho wa xivandzana.

²⁰⁵ Nakona sweswi ma swi vona leswaku mfunghu wa xivandzana i yini, a mi wu voni? I matimba. Nakona matimba, matimba ya xikereke, Yesu u te, "Swi tava ekusuhi tani hi nchumu wa xiviri, swi ta kanganyisa na vona Vahlawuriwa loko swi nga koteka." Kambe U tshembhisile kuva na xin'wana xa hina lahawani hi siku rero, leswaku hi tako hi nga kanganyisiwi, nakona rero i Rito, na Kreste ku endla leswaku Ri vonakala eka hina. Ma le henhla ka ntumbuluku, madimon, lawa ya nga vonakiki ematihlweni, kambe mi nga swi vona leswi mi swi endlaka. Wa vona?

²⁰⁶ Xiyisisani, loko ntlawa walowo wa ha khandziyile, wu ri karhi wu tilulamisela ku kandziyela hinkwaswo leswi nga tako swi nga pfumelelani na wona, ku na ntlawa wun'wana lowu nga eku lulamisiweni, endzhaku ka nkarhi, Nhlavutelo 19. Nkarhi lowu landzelaka loko Kereke yi twiwa, Ya ta, na yonavu, ku ngari hi tihanci, kambe Bibe yi te, "A khandziyile hanci yo basa, na swona mavandla ya Tilo a ya N'wi landzela ya khandziyile tihanci to basa." Hi swona sweswo?

²⁰⁷ Loko ntlawa lowu ehansi lahawani wu ri na magidi mbirhi lawa ya bohiweke enambyeni wa Eufrat, nakona wu bohiwile

ku ringana magidi mbirhi wa malembe, na yonavu kereke yi bohile Moya lowo Kwetsima ku ringana kwalomu ka magidi mbirhi wa malembe, ehansi ka nxaniseko le ndzhaku, na le hansi ka tinguva ta kereke. Wu bohiwile, ku ngari enambyeni wa Eufrat, kambe enyangweni wa mikuva na milawu ya kereke, leswaku Moya lowo Kwetsima wu ngaka wu nga tirhi ekerekenei hikwalaho ka mafambisele lawa ya endliweke hi munhu. Kambe Wu ta ntshuxiwa, Wu le ku vuyeni, sweswo hi leswi Bibele yi swi vuleke. Nakona lavaya vambirhi va hlanganile etimpaleni ta nyimpi, Lusifa na Mikael nakambe, kukotisa eku sunguleni. Yi bohiwile ku ringana magidi mbirhi wa malembe, hakanyingi, hakanyingi magidi mbirhi wa malembe.

²⁰⁸ Ku ngari magidi mbirhi hi ku hetiseka, hikuva Marhoma va tshamele ro ya emahlweni, Titus hi A.D. 96, na ku yisa xisweswo ehansi, va dlayetela Mayuda. Marhoma! I vaman lava nga dlaya Mayuda? I mani Titus? I ndhuna ya Murhoma. Ngati yi khulukerile ehandle ka minyangwa lahaya, ku fika le... oho, na ku va dlayetela, vavasati, vana, na hinkwaswo. Xana Ezekiel 9 a yi swi vulanga leswaku va ta endla sweswo? “Tsemakanya exikarhi ka doroba kutani u veka mfungho ehenhleni ka vanhu lava hlunameke na ku rila,” Moya lowo—lowo Kwetsima. Na hinkwavo ka vona, “vavanuna lava dlayaka va humelela,” lava a va tava va bohiwile; va khomiwa, va khomiwa, ku kondza va ya emahlweni va ya dlaya hinkwaswo leswi a swiri kwalahaya. Vavasati lavantsongo, vavasati, vana, tincece, na leswin’wana hinkwaswo, swi dlayiwile hinkwaswo. Kunene-nene.

²⁰⁹ Hi leswi nakambe, swi tivuyelerisaka. Nakona hi lawa mafambisele lawaya ya xikereke ya vuyaka nakambe, ya tlimbaka, ya kandziyela hinkwaswo leswi vuriwaka swa Xikwembu. Oho, va na mafambisele ya vona, na mavandla, na tidinominexini, kambe sweswo swi hava xo xiendla na Bibele. Va ta mi byela hi xihatla leswaku a va Yi pfumeli hambi kuri ku yi pfumela. Ina, nkulukumba. “Vulani leswi kereke yi vulaka swona.”

²¹⁰ Hi leswi Xikwembu xi swi vulaka! Rero i Rito. Mutekiwa u na Marito; va Un’we. Xana va ngava Un’we njhani? Loko Rito rero, leri tsariweke Lahaya, ri va eka n’wina, na ku endla—endla leswaku n’wina na Rito mi va Un’we. Sweswo hi leswi A swi tsembhiseke.

²¹¹ Kutani, Ra toloka. Xikwembu a xi lavi mutoloki. Va ri, “Hi swona, hi Ri toloka hi ndlela *leyi*.” A mi na mfanelo yo toloka nchumu. Xikwembu xi Titoloka hi Xoxe. Xikwembu xi te, “A kuvi na ku vonakala,” nakona ku vile na ku vonakala. I mani loyi a tolokeke sweswo xana? Xi te, “Wanhwana u ta tika,” nakona u tikile. Sweswo a swi lavi mutoloki; swi tololikiwile khale. Xikwembu xi vurile leswaku swilo leswi swi ta humelela esikwini leri, nakona swi tano. A swi lavi mutoloki. Swi titolekela hi Swoxe. Oho, mina!

²¹² Nhlavutelo 9:1, ehansi ka Nanga ya Vuntlhanu, hosi ya vona . . . Xiyisisani, Nhlavutelo 9:1 sweswi, hosi ya ntlawwa lowu kulu wa madzana mbirhi wa magidi ya tihanci. A vari na hosi ya vona, nakona, loko hi xiyisia, a kuri nyeleti leyi weke. “U wise ku yini ematilweni, O Lusifa?” Oho, hilaha Dokodela Smith a veke na ripfalo swonghasi eka sweswo lahaya, kambe, swi lulamile, wa vona, a swi ngari swa awara ya yena. Wa vona? Hi swona. “A kuri khele ra tihele; hosi ya vona a yiri hosi ya khele ra tihele.”

²¹³ Nhlavutelo 17:8. Ndzi tsarile swin’wana ehansi lahwani. Ndzi ya eku swi hlayeni. Ma swi vona lahwani, Nhlavutelo 17:8. Ndzi lava ku vona leswi yi swi vulaka lahwani, hikuva a ndzi swi tivi leswaku ndzi nga yi nghanisa ku yini leyi landzelaka, 17:8.

Kutani *xivandzana lexi u xi voneke a xi ri kona, kutani a xa hari kona; nakona xi ta huma ekheleni, kutani xi ta ya eku loveni: lava va akeke ehenhla ka emisava va ta hlamala, lava mavito ya vona ma nga tsariwangiki ebukwini ya vutomi—ya byona vutomi ku sukela emasunguleni ya misava, loko va vona xivandzana lexi a xi ri kona, lexi nga riki kona, lexi nga tava kona.*

²¹⁴ Wa vona, “a xi ri kona,” phophu yin’we ya fa, yin’wana ya pfuka. “Xivandzana lexi a xi ri kona, lexi nga riki kona, lexi nga kona; lexi nga riki kona, lexi nga kona.” A xi cinci nonganoko wa xona; i phophu hi nkarhi wun’we, nkarhi hinkwawo. Hinkwaswo swi fanele ku famba hi mafambisele man’we.

²¹⁵ Kutani xi ta ya kwini? “Ekheleni ro enta swinene.” Nakona Bibele yi vurile lahwani, leswaku, “Murhangeri wa vanakulorhi lava a huma ekheleni ro enta swinene, nakona yaloye a ri hosi ya vona,” na swona u tshama na swidlodlo swinharhu, na ku joyinana na Maprotestants.

²¹⁶ Ndzi twile muprista wa Mulutheran a vula, siku rin’wana, a ku . . . kumbe, muchumayeri wa Mulutheran, a ku, “Hi swona, vanhu va ndzi vutisa leswaku hikokwalaho ka yini ndzi ambala e—e kholoro. Xana va nga ndzi byerisa ku yini ku suka e . . .” A wu ri kona? [Boti un’wana a ku, “Ina.”—Muhleri.] Ina. Kutani, sweswo, a swi ngari vuphukuphuku xana? Ndzi—ndzi titwile ingaku ndzi nga hlanta, ndzi suka eka platfomo. Va te, “Hikuva, a va nga fanelanga kuva lava hambaneke.”

²¹⁷ Loko Luther, Martin Luther, a nga twa sweswo, a ta hundzuluka esirheni ra yena, a ku, “Vasandzi ndzin’wina, a mi weli eka swiyimo swa mina.” Ahaa. Wa vona?

Kambe ma ku tiva laha swi nga fika kona? “Ku hava ku hambana.”

²¹⁸ Ku na ku hambana. Swa hambana hambi kuri ha un’we-un’we. Xikwembu xi te, “Ndzi hlawuleleni, Paul na Barnaba,”

hi swona sweswo, “entirhwени.” Tihlawuli! Xikwembu i muhlawuri, ku ngari muhlanganisi. Muhlau... Kereke yi lava muhlanganisi wa kahle, namuntlha, loyi a nga ta va pfumelela ku ambala swiambalo swo hlamba hi swona, na leswo koma, na leswin’wana hinkwaswo, kutani va huma va ya emahlweni kukotisa sweswo. Kambe Xikwembu xi te, “Ndzi hlawuleni!” Tihlawuleni eka swa misava!

²¹⁹ Nhlavutelo, hi kuma lahawani, leswaku, “hosí ya vona ku suka ekheleni ro enta swinene,” un’we yaloyi a “yeke eku loveni,” endzeni na le handle, endzeni na le handle, a ya ehandle.

²²⁰ Xiyisisani eka Levhitika, ku avanyisa ka vu23, hilaha vutoloki byi hetisekeke hakona hi nongonoko wa Rito, hi leswi hi ringetaka ku swi nyikela sweswi. Vonani leswi sweswi, nongonoko. Ha swi lemuka sweswi. A hi pfuleni hi hlaya xinkadyana nyana. Eka Eklesia-...ku ngari eka Eklesiasta, kambe Levhitika. Levhitika 23, sweswi xiyisisani leswi lahawani, Levhitika ku avanyisa ka vu23 sweswi. Nakona a hi lavi ku hundziwa hi leswi na swintsongo, sweswi, leswaku hi ta swi kumisa xileswi Hosi yi swi tsariseke xiswona eka hina lahawani. Kunene ndzi ngaka ndzi nga yi kumi Levhitika eka Eksoda, ndzi nga yi kuma xana? Hi swona, Levhitika sweswi. “Kutani Hosi...” ya vu23.

...Hosí a byela Muxé, a ku,

Byela vana va Israel, u ku, Hi n’hweti ya ntlhanu na timbirhi, hi siku ro rhanga ra n’hweti, mi tava na sabata, xitsundzuxo xa ku yimbiwa ka tinanga, na nhlengeletano leyí hlawuriweke. Wa vona?

Mi ta endla... e ntirho lowo tika kwalahaya: kambe mi ngaka mi nga humeseli... magandzelo lama hisiweke eka Hosi.

...kutani mi ta humesela gandzelo leri hisiweke eka Hosi.

²²¹ Vonani sweswi. Xiyisisani sweswi.

Kutani Hosi yi byela... Muxé, yi ku,

Nakambe hi siku ra vukhume ra n’hweti ya ntlhanu na timbirhi ri tava siku ra magandzelo ya ku riha:...

²²² Wa vona, ku khumela ku landzerile ku... Vonani sweswi. Ku khumela ku landzerile mpfumawulo wa nanga. Wa vona? Ku saseka ka swona! Wa vona? Siku ra xikhumelo ri landzerile nanga.

²²³ Sweswi—sweswi, makume ntlhanu wa masiku ya tinanga, eka hina, ya kombisa loko nanga yi yimbiwa hi pentekosta, laha a kuri makume ntlhanu wa masiku. Sweswi—sweswi—sweswi, endzhaku ka leswi, Mayuda ma arile Sweswo.

²²⁴ Sweswi Tinanga i to va vitanelu endzhaku eka Xikhumelo, wa vona, Xikhumelo lexi va xi aleke. Nakona va xi arile leswaku matihlo ma hina ma ta pfuriwa; ma vona ma pfariwile. Na swona hi nkarhi lowu, Swilemo swi lemulekile, nakona e—e—e Tinanga ti yimbiwile. Kutani sweswi, eku yimbiweni ka Tinanga, ntsena loko Mesiya a nga se ta, hikuva va fanele kuva vari ePalestine. Nakona ma swi tsundzuka leswaku Xikwembu a xi fanele ku nonohisa mbilu ya Faro, ku va tsutsumisela ehandle ka Egipta; kutani Xi nonohisile Stalin, Mussolini, na hinkwavo valava, ku va tlherisela etikweni ra xitshembhiso, laha dzana na makume mune-mune wa magidi va faneleke kuva kona.

²²⁵ Kutani sweswi, ro sungula eka magidi-gidi ya malembe, makume ntlhanu wa madzana ya malembe, laha Israel ri nga rixaka leri nga na mujeko wa rona n'winyi, vuthu ra rona n'winyi, na hinkwaswo, na kuva ri tekeriwa enhlokweni eka—eka UN. I ro sungula swi va tano. Mujeko wa khale ku tlurisa lowu nga tshama wu haha emisaveni, hi nkarhi lowu, wu haha nakambe, ntlhanu wa... nyeleti ya tinhla ta ntsevu ya Davhida. Xi te Xi ta tlhela xi tlakusa mujeko walowo emasikwini ya makumu, loko ri tava ri ri karhi ri tlhelela endzhaku. Hi le makumu. Ku hava ku kanakana mayelana na swona. Hi kona.

²²⁶ Xiyisisani sweswi, hi xihatla, Nhlavutelo 9, ehansi ka nanga ya vunkombo, “hosu ya vona yi huma ekheleni ra tihele.”

²²⁷ Kutani eka Levhitika, sweswi, hilaha vutoloki byi hetisekeke hakona na Rito lahwani! Hikuva, wa vona, ku landzela xikan'we-kan'we, jubili ya pentekosta yi landzerile siku ra xikhumelo; nongonoko wa nkarhi wa nkhuvo. Exikarhi ka nkhuvo wa pentekosta, kuya eka xikhumelo, mpfumawulo wa tinanga ta xikhumelo, a kuri nkhuvo wa pentekosta, nguva yo leha ya nkarhi. Vonani, ku vile na nguva yo leha ya nkarhi exikarhi ka nkhuvo wa pentekosta, kuya eka ku vitanelu ka—ka nang...ku yimbiwa ka tinanga, kuva—kuva tinanga ti ta yimbiwa; nguva yo leha ya nkarhi. Entiyisweni, a kuri makume ntlhanu wa masiku, ku suka—ku suka—ku suka eka nkhuvo wa pentekosta kuya eka nkhuvo wa xikhumelo, a kuri makume ntlhanu wa masiku. Sweswi, makume ntlhanu wa masiku i tisabata ta nkombo.

²²⁸ Nakona tisabata ta nkombo i nkombo wa malembe ya kereke, Tinguva ta Kereke. Ma swi kuma? Wa vona? Wa vona? Sweswi, Mayuda ma pfariwile matihlo, va rindzerile nkarhi lowu hinkwawo, loko mihandzu yo Rhanga ya pentecosta yi tava yi chuluriwile ehenhla ka Kereke. Nakona hi enhlile hi le ka nguva ya vaxanisiwa, na ku rhelela hi tinguva ta tirhifoma, kutani sweswi eka nguva ya ku vitanelu ehandle; swiphemu swinharhu, Moya wun'we; tani hi Tatana, N'wana, na Moya lowo Kwetsima, walowuya Wun'we. Wa vona? Kambe, Tinguva ta Nkombo ta Kereke, ku nga tisabata ta nkombo.

²²⁹ Hakunene i nkombo wa tisabata ku suka—ku suka eka nanga ya jubili ya pentekosta . . . nkhuvo wa jubili ya pentekosta, ku kondza . . . Ku ndziwulutiwa ka nyandza, kutani ku landzela jubili ya pentekosta. Kutani ku suka eka jubili kuya eka xikhumelo i tisabata ta nkombo, makume ntlhanu wa masiku, nakona emakumu ka makume ntlhanu wa masiku i ku—ku endliwa ka xikhumelo. Ma swi kuma xana? Sweswi, kutani leswi swi vile xifaniso, leswaku Kereke . . .

²³⁰ Loko a paluxiwa, hi Yexe, tani hi N'wana wa Xikwembu, a ri eku tipaluxeni eka Kereke hi nkhuvulo wa Moya lowo Kwetsima, ku rhelela hi tinguva, eka—eka nguva ya pentekosta, wa vona. Ntsena kuya emahlweni na ku kuma swotala na swotala; ku lulamisiwa ehansi ka Luther, ku kwetsimisiwa ehansi ka Wesley, nkhuvulo wa Moya lowo Kwetsima.

²³¹ Sweswi hi lowu nkarhi wa ku vitanela ehandle. Eka Xilemo xa Vuntsevu, loko xi—loko xi lemuriwa, ku xanisiwa ku bile Mayuda, hi maendlelo ya xidzi; kutani hi loko ku ta ku xanisiwa ka kereke, hi maendlelo ya xikereke; hikuva, Mutekiwa i khale a vitaniwile. Tisabata ti herile, nakona ti lulamerile kuva Mayuda ya vitaniwa. Kuya kwihi? Nkhuvo wa Xikhumelo. Oho, kereke, a mi swi voni sweswo xana? Ku vitaneriwa enkhubyeni wa Xikhumelo, (yini?) ku tekela Xikhumelo enhlokweni; ku ngari tihuku na masekwa yan'wana, na leswi a swiri eku swi endleni. “Xinyimpfana xa Xikwembu, lexi tlhaviweke ku sukela emasunguleni ya misava,” Israel ri ya eku swi tiveni Sweswo.

²³² Xiyisisani, hi lowu nchumu lowukulu. Vonani! Oho, mina! Moya lowo Kwetsima wu bohiwile hi tidinominexini, magidi mbirhi wa malembe lawa hinkwawo. Hi kuma leswaku, Wu vile tano. Xiyisisani tisabata sweswi, tisabata ta nkombo, a ti ngata huma ndlela hinkwayo. E—e Bibele yi te, “Ku tava na siku leri nga taka ri ngavi vusiku kumbe nhlekanhi.”

²³³ “Matsalwa hinkwawo,” Yesu u te, “ma fanele ku hetiseka.” Hi swona sweswo? Mi nge, “Amen.” [Nhlengeletano yi ku, “Amen.”—Muhleri.]

²³⁴ Muprefeta u te, “Ku tava na siku leri nga taka ri ngavi vuriwi nhlekanhi kumbe vusiku, kambe hi nkarhi wa ni madyambu ku Vonakala ku tava kona.”

²³⁵ A kuri yini xana? Dyambu leri voningaka eVuxeni i dyambu rin’we leri voningaka eVupela-dyambu.

²³⁶ Nkarhi hinkwawo loko dyambu rero ri huma, na ku tsemakanya ri ya pela, swi vula vutomi bya wena. N'wana loyi a tswariweke, u tsanile, ni mixo. Hi kwalomu ka awara ya nhungu, ri ya exikolweni. Hi hafu ku bile awara ya khume n'we, ri humile exikolweni, i ku hisa ka siku. Kutani u sungula ku pela, eka makume ntlhanu wa malembe, makume ntsevu, makume nkombo, makume nhungu, makume nkaye. Ri pela lahaya kutani

ri fa; ntsena ri tlhela ri vuya nakambe hi siku leri landzelaka, ri ku, "Ku na vutomi, rifu, ku lahliwa, ku pfuka."

²³⁷ Kutani, xiyisisani, nhluvuko wu fambile na dyambu. Nhluvuko wa khale ku tlurisa lowu hi nga na wona i China. Un'wana na un'wana wa swi tiva sweswo.

²³⁸ Xana Moya lowo Kwetsima wu werile kwihi? Etikweni ra le Vuxeni, eka vanhu vale Vuxeni. Nakona Evhangeli yi fambile na dyambu. Yi huma kwihi? Ku suka le Vuxeni, yi nghena eJarimani, ku suka eJarimani ku ya eNghilandhi... Yi tsemakanyile mugerho ka nharhu. Mediterranean ku nghena eJarimani, ku suka eJarimani... Ku suka eMediterranean, ku suka eVuxeni, ku nghena eJarimani, ku hundza hi Mediterranean; ku suka eJarimani, ku tsemakanya mugerho wa Xinghezi, ku nghena eNghilandhi; ku suka eMugerhwени wa Xinghezi, ku tsemakanya Pacific ku nghena e...kumbe Atlantic, ku nghena e United States.

²³⁹ Kutani sweswi wu le Ribuweni rale Vupela-dyambu. Wu tsemakanyile tiko leri a wu tshama eka rona nakona wu tsemakanyile, na kuya emahlweni. Nhluvuko wa famba; Evhangeli yi fambile na wona. Sweswi hansahansa hinkwayo yi le Ribuweni rale Vupela-dyambu, laha hinkwaswo leswi yi swi vungeke, kukotisa ku ta ka hloto wa lwandle.

²⁴⁰ Kambe muprofeta u te, "N'wana a ngaka a nga voningi esikwini leri; ri tava siku ro dzwihala." Va vile na ku Vonakala ko ringanelo, tani hi siku ra mpfula ya xiviri, a va swi kota ku joyina tikereke, na ku pfumela Hosi, na swilo swo tani hi sweswo. Kambe, u te, "Hi nkarhi wa ni madyambu, mapapa ya taya ekule, tidinominexini ti ta nyamalala." Kutani Evhangeli leyi fanaka, Rito leri fanaka leri endliemeke nyama, tani hilaha A tshembhiseke eka Luka 17:33. Evhangeli leyi fanaka, na nchumu lowu fanaka, swi ta humeleta hi nkarhi wa ni madyambu, ntsena loko mindzhuti yi ri karhi yi rhelela. Evhangeli leyi fanaka, Kreste wun'we loyi a hanyeke enyameni endzhaku lahaya emasunguleni, eka vanhu va le Vuxeni, u ta tlhela a hanya nakambe eka vanhu va le Vupela-dyambu hi nkarhi wa makumu. "Ku Vonakala ku tava kona hi nkarhi wa ni madyambu."

²⁴¹ "Matsalwa hinkwawo ya huhutiwile," nakona ya ngaka ya nga tshoviwi.

²⁴² Makume ntlhanu wa masiku lamakulu ya hundzile. Nkhuvo wa pentekosta wu hundzile, tisabata ta nkombo; ku fika eka tinanga, xifaniso xa Nguva ya Kereke ya Vunkombo. Tsundzukani, tsundzukani, e...ehansi ka Nanga ya Vuntsevu, Mayuda...Xana mi le ku yingiseni? [Nhlengeletano yi ku, "Amen."—Muhler.] Ehansi ka Nanga ya Vuntsevu, e—e Mapentekosta ma ala Bibele; e—e lava kufumelaka, ku ngari Mapentekosta ntsena, lavan'wana hinkwawo. Kereke ya misava yi ta ala Kreste nakona U vekiwile le handle. Nakona eka Nanga

ya liya . . . Na Xilemo lexi fanaka, swa antswa, loko Xi tava xi lemuriwile, ku kombisa Yesu le handle ka kereke, a ri karhi a ringeta ku tlhelela endzeni; hi nkarhi wun'we, Nanga yi yimbela Mayuda, kutani Mayuda ma tekela Xikhumelo enhlokweni. Ku kwetsima! Haleluya! Oho, mina!

²⁴³ Moya lowo Kwetsima wu bohiwile hi milambu ley i ya tidinominexini, ku lava ku ringana magidi mbirhi wa malembe, kambe wu ta ntshuxiwa hi nkarhi wa ni madyambu, hi Hungu ra nkarhi wa ni madyambu. Moya lowo Kwetsima wu tlhelela eKerekeni nakambe; Kreste, hi Yexe, a paluxiwile enyameni, hi nkarhi wa ni madyambu. U swi vurile. U swi tshembhisile.

²⁴⁴ A kuri na swiyenge swinharhu swa kona, tani hilaha ndzi vuleke. Vaxanisiwa, nguva ya vaxanisiwa, ya swona; kutani ku landzela nguva ya tirhifoma; nakona sweswi i nkarhi wa ku vitaneli ehandle.

²⁴⁵ Loko swi herile, hi Nguva ya Laodekiya, hi kuya hi Nhlavutelo 10, xihundla xa Bibele hinkwayo xi ta tiviwa hi Mutekiwa. Hi swona sweswo? [Nhlengeletano yi ku, "Amen."—Muhleri.] Nhlavutelo 10. Yingisani hi vukheta sweswi. Ahaa. Mutekiwa, u vitaneriwe ehandle hi Rito; Kreste hi Yexe a vitaneli Mutekiwa ehandle, a veka Vaheberu 13:8 erivaleni, hi Yena "yaluya wa tolo, namunthla, na hilaha ku nga heriki," u endla leswi fanaka, wa ha fana. "Loyi a pfumelaka eka Mina, mintirho ley i Ndzi yi endlaka u ta yi endla na yena." Wa vona? Luka 22 . . . Kumbe, Luka 17:30, na Malakiya 4, Vaheberu 4:12, hinkwawo Matsalwa lawa ya tshembhisiweke, leswi swi fanele kuva exikarhi ka Xilemo xa Vuntsevu na xa Vunkombo, na Nanga ya Vuntsevu na ya Vunkombo.

²⁴⁶ Nkhuvo wa Pentekosta wu hela hi nguva ya Nanga ya Vunkombo, hikuva lexi landzelaka i ku Vuya ka . . . Xilemo xa Vunkombo, hikuva lexi landzelaka i xihundla xa ku Vuya ka Kreste, kutani, nakambe, Nanga yi yimberiwa Mayuda. Nanga ya vona ya Vuntsevu ya yimbiwa, na swona, loko yi yimbiwa, yi va tivisa N'wana wa Xikwembu loyi a paluxiweke; hafu yin'we ya awara ya ndhawu. Tsundzukani, Tinanga hinkwato ti yimba eka Xilemo lexi xa Vuntsevu. Xilemo xa Vuntsevu xi hetisia xihundla, ehansi ka Xilemo xa Vuntsevu, loko ku nga se lemuriwa xa Vunkombo.

²⁴⁷ Xiyisisani, hi ley i Levhitika 23:26. Hilaha Matsalwa ya longolokeke hakona! Endzhaku ka nguva leyo leha ya pentekosta, ley i Israel ri nga yi ala le ndzhaku lahaya; kutani U vitanerile Kereke ya Vamatiko ehandle, hi nkhuvo lowu wa pentekosta. I vangani lava va twisisaka leswaku nkhuvo wa pentekosta i yini? I muhandzu wo . . . muhandzu wo rhanga wa ntshovel, muhandzu wo rhanga wa ku pfuka, nkhuvo wa pentekosta.

Mi nga hundziwi hi leswi, vanhu! Kutani, n'wina mi nga eka thepi, yingisani hi vukheta!

²⁴⁸ Walowo wu vile nkarhi wa nkhuvo wa pentekosta. Mayuda ma tshamile ma miyela; ma Wu arile. Sweswi ma fanele ku vitaneriwa endzhaku eka Xikhumelo. Ha swi tiva leswaku Xikhumelo a kuri Mani; a va nga swi tivi. Kutani mpfumawulo wa Nanga, endzhaku ka jubili ya pentekosta, wu vitana Mayuda kun'we. A mi swi voni hilaha Nanga liya, ya nxaniseko ehansi ka Hitler na van'wana, yi bulukeke? Nakona Mayuda ma bohekile ku hlangana kun'we, ku hetisekisa Matsalwa.

²⁴⁹ Sweswi mi swi kumile? Hinkwenu n'wina mi swi kumeke, mi nge, "Amen." [Nhlengeletano yi ku, "Amen."—Muhleri.] Swi kahle. Hi swona.

²⁵⁰ Xiyisisani lahawani eka Levhitika, 26 sweswi, nongonoko wa Matsalwa. Endzhaku ka nguva leyo leha ya pentekosta, ley helaka hi ku vitaneriwa ehandle ka Mutekiwa, Mutekiwa u vitaneriwa ehandle hi nandza. Leswi swi Ariweke, ku landzela, kuva swi tivisiwa eka Israel, nkhuvo wa Xikhumelo. Xiyisisani, laha ku fana na le ka Levhitika ku avanyisa ka vu¹⁶, sweswi, loko Xi lerisile nkhuvo wa pentekosta...kumbe nkhuvo wa xikhumelo, kambe endhawini ley, va vitaniwile...

²⁵¹ Oho, hilaha swi hetisekeke hakona! Swi kumeni, vachumayeri. Wa vona? Mi nga swi hupi, tiministara.

²⁵² Eka nkhuvo lowu wa pentekosta, lowu kombisiweke eka Levhitika 23:26, kumbe 23 na 24, i nkhuvo wa ku rila, ku ngari ku dlayiwa, ka nkhuvo. Nkhuvo wu dlayiwile...Xikhumelo xi dlayiwile, swa antswa. Xikhumelo xi dlayiwile. Levhitika 16, hi yona ku vandzakana eka wona. Ntsena, endhawini ley, ku vitaniwile Israel ku ta rilela swidyoho swa vona. Hilaha swi hetisekeke hakona, namutlha! A hi ku vuyelerisa ku dlayiwa ka Wona; loku, Muxe a ku kombiseke, hi ku ba ribyi ra vumbirhi; a ku tirhanga. Ku ngari ku dlayiwa, ka nkhuvo; kambe ku rileriwa, ka ku ala Xikhumelo. Oho, mina! Leyi yi tava Nanga; nkhuvo, leyi nga ta ariwa, kutani Mesiya wa vona a tivisiwa.

²⁵³ Xiyisisani, va ta tiva Mesiya wa vona loko va N'wi vona. U le ku teni hi matimba, nkarhi lowu, Loyi va n'wi languteleke. U le ku teni hi matimba, u tela Mutekiwa wa Vamatiko, nakona Mayuda ma ta N'wi lemuka. Kutani Bibele yi ri...Ha ha ku heta ku chumayela hi swona lahawani, kwalomu ka ntsevu wa tin'hweti leti hundzeke, kumbe ku tlula. Bibele yi ri, loko va ku, "U ti kuma kwihi timbanga teto?" I vangani lava va tsundzukaka Hungu leri? Yimisani mavoko ya n'wina. Kunene, n'wina...Wa vona? "U ti kuma kwihi timbanga teto?"

U te, "Endlwini ya vanghana va Mina."

²⁵⁴ Ma tsundzuka loko ndzi chumayela hi—hi nkarhi lowu Yakob a rhumerile vana va Israel le hansi kuya teka swilo, na swakudya na swilo, na hilaha Yosefa a nga endla ingaku a nga va tivi;

na hilaha swilo leswi hinkwaswo swi yeke emahlweni hakona, kutani a titivisa? Ma swi tsundzuka? Kutani a va chuhwile, va sungurile ku rila. Swa fana na xiphijo xa Yakob.

²⁵⁵ Kutani lahawani hi kuma Mayuda ma ri ehansi ka nxaniso; a va ku tivi laha va yimaka kona sweswi, kambe vale ku vuyeleni endzhaku.

²⁵⁶ Na swona loko va vona Xikhumelo xi humeleta, Bibele yi te, “Loko va xi vonile,” va te, “va ta ava muti wun’wana eka lowun’wana, kutani va rila hi masiku, kukotisa—kukotisa ndyangu lowu lahlekeriweke hi n’wana wa vona loyi a tswariweke a ri swakwe. ‘Xana u ti kuma kwihi timbanga teto?’”

A ku, “Endlwini ya vanghana va Mina.” Wa vona?

²⁵⁷ Tsundzukani, Mutekiwa i khale a ri eTilweni; nsati wa Yosefa a ri exigodlwensi. Nakona Yosefa u humesile hinkwavo lava a vari ekusuhi na yena, kutani a titivisa eka vamakwavo wa yena; ma swi vona, Nsati wa Yena na vana na lava a vari exigodlwensi loko A vuyela endzhaku ku ta titivisa hi Yexe eka Mayuda. Hi xexo Xikhumelo. Hi yaleyo Nanga ya n’wina leyi yimbaka. Hi kona laha va nge, “Oho!” I yini xana? Hi xexo Xikhumelo. “Xana ti huma kwihi timbaka leti?” Hi leswiyani.

“Endlwini ya vanghana va Mina.”

²⁵⁸ Ma swi tsundzuka leswi vamakwavo wa Yosefa va swi vuleke? Hikokwalaho ka yini, va te, “Sweswi hi ta dlaiyiwa, kunene swi ringene. Hi swi endlile sweswo. Hi endlile vubihi byo tanu.”

²⁵⁹ A ku, “Ee, Xikwembu xi endlile leswi leswaku ku ta ponisiwa vutomi.” Ma ha xi tsundzuka xitori, eka Geneza? Wa vona? Wa vona? Swingaleswi U swi endlisile xileswi, ku ta ponisa vutomi bya Vamatiko, Mutekiwa. U te, “Ndzi ti kumile endlwini ya munghana wa Mina; kambe mi nga khunguvanyeki, wa vona, mi nga tichavi.”

²⁶⁰ Va ri, “Oho, mina! Kunene hi ngava hi tsandzekile ku N’wi vona xana? Xana a kuri Xikhumelo, nakona hi Xi hupile? O Xikwembu!” Kutani va ku, “Va tiavile, kutani va rila hi masiku.” Xana i yini? I Xikhumelo; ku khunguvanyeka. Nkarhi lowu, ku fika ka ku titivisa, Xikhumelo, a hi xikhumelo xa ntoloveloxi xi dlaiyiwaka, tani hi le ka Levhitika 16. Kambe Levhitika 23 i nkarhi wa ku rileriwa, ka swidyooho swa vona. Nakona, swidyooho swa vona a kuri, leswaku va Xi arile.

²⁶¹ Oho, xana a mi ku voni laha hi nga kona ke? A mi swi voni leswaku hikwalaho ka yini Tinanga ta vona ti nga vuli nchumu eka hina ke? Hinkwato ti yimbiwile ehansi ka Xilemo xa Vuntsevu. Xana ma swi vona sweswi leswaku hikwalaho ka yini Moya lowo Kwetsima wu nga ndzi pfumeleli ku swi vulavula? Nakona Tatana wa le Tilweni wa swi tiva, na Bibele leyi emahlweni ka mina, leswaku walowo i Ntiyiso. A ndzi nga

swi tivi ku fikela tolo, tolweni; ekamareni ya mina lahaya loko Xi ndzi paluxela swona, xi ta eka mina na ku vulavula na mina. Ndzi tlhelerile endzhaku, ndzi ku, "Nsati, ndzi swi kumile sweswi. Xa ha ku hlangana na mina le ndzeni ivi xi ndzi byela. Hi lesiwani, nkatanga." Wa vona? Wa vona, hi sweswo, wa vona, ku hetiseka ntsena hi ntwanano.

²⁶² Oho, vanhu lava nga riki na Yena, nghenani hi ku hatlisa! Ku ngava kuri nkateko wo hetelela lowu mi nga kotaka ku wu kuma. A mi wu tivi nkarhi lowu A nga vuyaka hi wona.

²⁶³ Nkhuvo wa tinanga. Bibele yi ri, "Va ta tiava, un'we eka un'wana, kutani va khongela na ku rila, hikuva va tava tani hi munhu loyi a lahlekeriweke hi n'wana loyi a tswariweke a ri swakwe."

²⁶⁴ Langutani, ndzi lava ku vula nchumu wun'wana. Hi vukheta sweswi; mi nga hundziwi hi leswi. Hilaha swi chavisaka hakona! Ku suka eka ntsumi ya vunkombo (murhumiwa wa Xilemo xa Vunkombo) Hungu eka Nhlavutelo 10, a kuri Xilemo xa Vunkombo, eka Tinanga ta Nkombo, exikarhi ka minkarhi liya yimbirhi...

²⁶⁵ O Xikwembu, xana hi nga swi vurisa ku yini Leswi, ku endlela leswaku vanhu va Swi vona?

²⁶⁶ Swi le xikarhi ka Nanga ya Vuntsevu, nakona Nanga ya Vuntsevu na... Nanga ya Vuntsevu na Xilemo xa Vuntsevu swi yimba hi nkarhi wun'we. Na swona exikarhi ka Nanga ya Vuntsevu na Nanga ya Vunkombo, ku na muprofeta loyi a nga ta humeleta emahlweni ka Vamatiko, ku vitanelia vanhu endzhaku eka Dyondzo ya xiviri ya pentekosta; nakona timbholi timbirhi ta le ka Nhlavutelo 11 ti ta humeleta eka Mayuda, ku va yisa eka Yesu, loko Kereke yi ri karhi yi vutleriwa ehenhla. Hinkwavo ka vona, i vaprofeta! Amen! Rito ra Hosi ri ngaka ri nga tshoviwi. Ri ngaka ri ngavi dinominexini! Ma swi vona xana?

²⁶⁷ Hlayani eBukwini ya n'wina kutani mi vona loko kuri ku leswi nga exikarhi ka Nanga ya Vuntsevu na ya Vunkombo a swi nghenisiwanga le ndzeni, ku pfumelela Mayuda ma vitaneriwa ehandle exikarhi ka Khombo ra Vuntsevu na ra Vunkombo, hi fika eka lavaya va dzana na makume mune-mune wa magidi (ma swi tsundzuka sweswo?), lava a vari exikarhi ka sweswo. Ma swi tsundzuka xana? Exikarhi ka-ka-ka xa Vuntsevu, Xilemo xa Vuntshanu na Xilemo xa Vuntsevu... Exikarhi ka Xilemo xa Vuntsevu na Xilemo xa Vunkombo, a kuri na ku vitaneriwa ehandle ka lavaya va dzana na makume mune-mune wa magidi. Ma swi tsundzuka sweswo? Sweswi hi kona laha tinanga leti ti nghenaka kona lahaya, wa vona, na nxaniseko, na ku ntshuxiwa ka tihanci kwalahaya.

²⁶⁸ Kutani, exikari ka sweswo, kutani a ku tava na Hungu ra ntsumi ya vunkombo, leyi a yiri eku chumayeleni na ku sola Mapentekostal. Nakona Yesu u humeseriwe ehandle; a nga ta

tirhisana na munhu, u humeseriwe ehandle, u ariwile. Bibebe yi vule tano. Hikuva, i Kreste loyi a vonakarisiweke exikarhi ka hina, Yesu exikarhi ka hina hinkwerhu, u vonakarisiwile eku tengeni ka Rito ra Yena, ku Ri tivisa. Kutani loko sweswo . . .

²⁶⁹ Leswi a hi ku makelela ntsena, vanghana. Leswi hi LESWI HOSI YI SWI VULAKA, Matsalwa.

²⁷⁰ Kutani hi nkarhi wun'we . . . Sweswi, kutaku loko Kereke ley (Mutekiwa) yi kokeriwe kun'we, Yi ta vutleriwa ehenhla; na xona xihundla lexiya xa Xilemo xa Vunkombo, kumbe Xilemo xa Vunkombo, xihundla xa ku famba. Kutani Mayuda ma vitaniwa hi xihundla xa Nanga ya Vunkombo, lexi nga vaprofeta vambirhi, Eliya na Muxe, na swona va vuyela endzhaku. Nakona hi laha Mapentekosta ma hlangananeke kona; ma languterile kuva xin'wana xi humelela; Kereke yi va yi fambile. Nakona sweswo i swa Mayuda.

²⁷¹ Sweswi, ndzi twa emiehlekeweni ya un'wana, a ku, "Yaloye a ngaka a ngavi Muxe." Ina, hi yena. Sweswi, ma swi tsundzuka, Xi nga ndzi byela mianakanyo ya n'wina. Ahaa. Ahaa. Ndzi tshamela ku twa ku vu- . . . Hi swona.

²⁷² Mi nge ndzi mi ololoxela sweswo. A kuri Muxe. Hikuva, hi ley i mianakanyo ya n'wina. Mi vula, leswaku, "Muxe, ku ngaka ku ngavi Muxe, hikuva Muxe u file." Mi ehleketa leswaku i Eliya. I Eliya, i ntiyiso. Loko, mi ehleketa, "I Enok." Mi ri, "Muxe i khale a file." Kambe, tsundzukani, a nga tlhela a vuyela evuton'wini nakambe. U swi endlile. Endzhaku ka madzana nhungu wa malembe, endzhaku ka madzana ma ngari mangani ya malembe, u humelerile eNtshaveni ya Nkwentsimo. Mi ri, "Endzhaku ka loko munhu a file?" Ina, nkulukumba. Lazaro a file; a pfuxiwa nakambe; kutani a fanele ku tlhela a fa nakambe. Wa vona? Kunene. Ahaa. Na hambi kuri lowo biha wa ha ta tlhela a pfuxiwa nakambe, kutani a tlhela a faneli hi ku fa rifu ra vumbirhi. Hi swona sweswo? Swingaleswi humesani sweswo emiehlekeweni ya n'wina. I Muxe. Vonani tiministri ta n'wina, ntsena leswi Muxe na Eliya va swi endlile; va pfarile matilo kutani vafafazela ndzilo ehenhla ka wona. Ma wu tiva nchumu lowu va wu endlile.

²⁷³ Ehleketa hi swona! I nkarhi wa makumu, vanakulorhi. Haleluya! Siku lerikulu ra Hosi ri le kusuhi. Hlengeletanani kun'we. Nkhuvo wa Mesiya; va ta N'wi ala, nakona va ta swi kuma leswaku hi luya Mesiya wa vona. Bibebe yi vurile leswaku swilo swo chavisa kukotisa leswi swi ta humelela.

²⁷⁴ Eka Nhlavutelo 11, ku vitaneli, ministri wa vona wu tava ministri wa Muxe na Eliya lava vitanelaka Israel, leswaku va huma eka mindhavuku ya Xiyuda; ntsena tani hilaha Hungu ra ntsumi ya vunkombo ri vitaneleke Mutekiwa leswaku a huma eka ndhavuku wa Pentekosta. Tsundzukani, Muxe na Eliya va ta vitaneli Israel ku huma eka xikhumelo xa khale xa xinyimpfana,

na nyimpfu, na ngati, na timbuti, na gandzelo, eka Gandzelo ra xiviri leri ri hanyaka, eka Rito.

²⁷⁵ Kutani Hungu ra ntsumi ya vunkombo, ehansi ka Nanga yin'we, hinkaswo i swin'we, Xilemo lexi fanaka, i xo (yini?) vitanelo vanhu, Mutekiwa, ehandle ka ndhavuku wa Pentekosta na misava, kuya eka Xikhumelo xa xiviri, Rito, Kreste loyi a encenetyetiweke eRitweni ra Yena lahawani, a endliwa nyama exikarhi ka hina. Sayense yi swi khorwisile, hi swifaniso. Kereke ya swi tiva, misava hinkwayo. Ha swi tiva ha tiyisisa, hikuva A nga se tshama a hi byela nchumu wun'we eka LESWI HOSI YI SWI VULAKA handle ka leswi ngava Ntiyiso. Xana A nga vulanga, le hansi enambyeni, "Tani hilaha Yohana Mukhuvuri a rhumiwile, na yena Murhumuwa loyi u ta hlomulela ehandle..."

²⁷⁶ Ndzi langutile ehenhla, nakona yi le ka awara ya khume mbirhi. Awara ya le xikarhi ka vusiku yi kwala, vanghana, ehenhla ka hina. Ma swi vona hilaha Matsalwa ya hetisekeke hakona? Ku hetiseka, hilaha Ma...

²⁷⁷ Leswaku, langutani, sweswo a swi nga tava vandla ro karhi leri nga ta ya le hansi ku ya vitana Mayuda. Ku tava vavanuna vambirhi, Muxe na Eliya. Ha vumbirhi bya vona, vaprofeta.

²⁷⁸ Langutani sweswi. Ku vitanelo Vamatiko, Mutekiwa ehandle, U tshembhisile eka Malakiya 4 ku ta endla nchumu wun'we.

²⁷⁹ Bibele yi vurile leswaku U ta vekiwa ehandle ka kereke, eka Nguva ya Kereke ya Vunkombo. U ta vekiwa ehandle ka kereke. Ku ta dzwihala hi ku hetiseka, na kuya... Xana hi kwihi laha ku dzwihalaka? Swi ya eka mafambisele lawa ya xikereke, eka huvo leyi ya nhlangano wa swa vukhongeri, huvo ya Nhlangano wa Tikereke ta Misava. Yi... U humeseriwile ehandle hi ku hetiseka. Rito ra Yena, va ngaka va nga pfumelelani na Rona. Ma swi tiva leswaku va ngaka. Va ngaka va nga pfumelelani hambi kuri eka mintlawa ya vona leyi nga ekusuhi; xana va nga pfumeelanisa ku yini eka Sweswo? Swingaleswi, va teka mfunghu wun'wana wa xivandzana, xivumbeko xa xivandzani. Tsundzukani, Bibele yi te, "A kuri na xifaniso xa xivandzana."

²⁸⁰ Kutani United States leyi yi vile nomboro ya vukhume nharhu hi minkarhi hinkwayo. Yi sungurile na matiko ya khume nharhu, tikoloni ta khume nharhu; tinyeleti ta khume nharhu, minkhwati ya khume nharhu; nomboro ya vukhume nharhu, nakona yi vile wansati hi minkarhi hinkwayo. U humeleta eka ku avanyisa ka vukhume nharhu ka Nhlavutelo. Kutani, xo sungula, i xinyimpfana; ku titsongahata, ntshuxeko wa ku vulavula, ntshuxeko wa vukhongeri, na swin'wana; kutani va amukela matimba, ivi va vulavula hi matimba hinkawo lawa dragona a yiri na wona emahlweni ka yona. I yini xana? Xana dragona a kuri yini? Rhoma. Wa vona, a yiri na mfunghu, xifaniso xa xivandzana, ku ta pfukela Kereke ya xiviri ya Xikwembu. Ehansi

ka tidinominexini, xi ta karhata nchumu lowu! Kambe, loko va sungula ku swi endla:

Xinyimpfana xi ta teka Mutekiwa wa Xona
kuva a va etlhelo ka Xona hilaha ku nga
heriki,
Mavandla hinkwawo ya Tilo ya ta
hlengeletana;
Oho, ku tava mbono wo hlawuleka, vakwetsimi
hinkwawo vari eka ku basa loku nga riki na
xipatso;
Kutani va ta tlangela na Yesu hilaha ku nga
Heriki. Amen!
“Tanani mi ta dya,” Nwinyi wa vitana, “Tanani
mi ta dya.” Amen!

²⁸¹ I siku muni leri hi hanyaka eka rona, awara ya kona! Tsutsumani, vanhu, tsutsumelani vutomi bya n’wina!

²⁸² Xiyisisani sweswi, hi ku pfala, ministri kukotisa wa ntsumi ya vunkombo. Timbhoni letiya timbirhi, ehansi ka Nanga ya Vunkombo, loko ku nga se . . . kumbe, Nanga ya Vuntsevu, loko Nanga ya Vunkombo yi nga se het- . . .

²⁸³ Sweswi, tsundzukani, nakona ndzi mi byerile leswaku ndzi ta swi vuyisa leswi, “Nanga Leyikulu.” Xi te, Xi ta endla yini, lahawani eka Esaya? Xi te, eka . . . “Nanga Leyikulu yi ta yimba. Nanga Leyikulu!” Ku ngari Tinanga sweswi, nkhuvo wa tinanga; ku na timbirhi ta tona, Muxe na Eliya, va ta vitanela Tinanga. Kambe, ehansi “ka Nanga Leyikulu,” ku Vuya ka Hosi, ku ta tivisa ku vuya ka Yosefa, wa vona, leswaku matiko hinkwawo ma ta hlengeletana eYerusalem. Amen. Sweswo mi swi kuma eBukwini ya Esaya. Ndza ha ku mi nyika yona, ku ngari khale ngopfu, kun’wana ka ku avanyisa loku hi ku hlayeke; loku nga eka Esaya 18:1 na 3. Nakona eka Esaya 27:12 na 13, hi laha Xi yimbaka “Nanga” yaleyo, kutani matiko hinkwawo ya ta lemuka Israel etiko xikaya ra rona, Xikwembu xi ri na rona.

²⁸⁴ Kutani Mutekiwa u ta ta a tava na Muteki, na Muteki a va na Mutekiwa; kutani kuva na Mileniyamu leyikulu, endzhaku ka loko misava hinkwayo yi herisiwile hi matimba ya athomiki. Na swona ku tava na “matilo mantshwa na misava yintshwa,” ku ta hanyiwa hilaha ku nga heriki.

²⁸⁵ Langutani, kwalahaya hansi. . . . Xiyisisani sweswi, ministri wa Muxe na Eliya wu ta . . . Sweswi, un’wana na un’wana wa swi kuma? Mi nge ndzi swi vula nakambe. Ministri wa Muxe na Eliya, exikarhi ka Nanga ya Vuntsevu na ya Vunkombo, ku tava vaprofeta vambirhi lava nga ta . . . vona . . . hi minkarhi hinkwayo Israel ri pfumela vaprofeta va rona.

²⁸⁶ Sweswi, hikokwalaho ka yini Moya lowo Kwetsima wu ndzi byerile loko ndza ha kongoma lahaya, ku va kombeta leswaku A ri N’wana wa Xikwembu, wu ku, “a nga seva tano”? Ma swi

tsundzuka sweswo, kwalomu ka ntlhanu wa malembe lawa ya hundzeke, endleleni ya mina yo ya eIndia? [Nhlengeletano yi ku, “Amen.”—Muhleri.] Wu te, “U nga swi endli.”

²⁸⁷ Ndzi te, “Va te, ‘Loko loyi a ri Mesiya, hi pfumeleli hi N’wi vona a endla singita ra muprefeta. Ha va pfumela vaprefeta.’”

²⁸⁸ Makwerhu Lewi Pethrus na van’wana va ndzi rhumerile Tibibele letiya; loko va nyikela mamiliyoni ya tona eka Mayuda lawa ya humaka eIran na hinkwako, lava va tlhelelaka endzhaku, va hlengeletanaka kun’we, va va tiko.

Ndzi ehleketa leswaku, “Lowu i nkarhi wa mina.” A ndzi lunghekile . . . Cairo, Egipta.

²⁸⁹ Wu te, “U nga swi endli sweswi. Awara a yi se fika.” Kutani ndzi tlhelerile ekaya. Ahaa. Oho, mina!

²⁹⁰ Muxé na Eliya va fanele ku vitana. Jubili ya pentekosta ya haya emahlweni, kumbexani ya hari kona na ku fikela nkarhi lowu. Wa vona? Sweswi nkhuvo wa Tinanga wu fanele ku tiviwa. Nakona lowu nga laha eka Malakiya 4 a wu hlangani na lowu nga lahaya; na swintsongo, na swintsongo. Xiyisisani, vonani lahawani, ministri wu tava Muxé na Eliya, lava hundzulaka na ku vitanelia Israel ehandle ka mindhavuku ya Xiyuda, yingisani, eka mindhavuku ya Xiyuda leyi a va tihlangananisile endzeni ka yona. Kuva vaprefeta, va ta pfumela—va ta pfumela yena, kuva a va vitanelia enkhubyeni wa Xikhumelo, Kreste, ku va pfumelela va lemuka Kreste. Va ta ku, “U le ku vuyen. U tava kona kwala.” Mayuda ma tava ma ri eku hlengeletaneni, swilo swo tani hi sweswo.

Kutani loko A vuya, a ku, “Hi mina Loyi.” Wa vona?

“Xana U swi kuma kwihiswivati sweswo?”

“Endlwini ya vanghana va Mina.”

²⁹¹ Sweswi, ku fana na hilaha vaprefeta lavaya vambirhi va endleke hakona! Tsundzukani, Mutekiwa wa Vamatiko u tava na muprefeta, loyi a vuriwaka Elias, Eliya, loyi a nga ta ya vitanelia va huma eka mindhavuku ya vona, Mutekiwa; ntseka ku fana na hilaha vaprefeta lava va vitaneleke Mayuda ehandle ka Xiyuda, kuya eka Kreste, Xikhumelo. Kutani Vamatiko i khale va ri karhi va tiva Xikhumelo, kambe i ku vitanelia Mutekiwa endzhaku eka Xikhumelo xa xiviri, laha (makume ntlhanu) tisabata leti . . . Hinkwato tisabata leti ta nkombo leti va yeke ekule na tona; ti va vitanelia endzhaku enkarhini wa makumu. Wa vunkombo . . . Yingisani! Murhumwa wa Vunkombo wa Kereke, murhumwa wa Nanga ya Vunkombo, hinkwavo i vaprefeta. Sweswi, hi swona sweswo.

Lava nghenisiweke, i dzana na makume mune-mune wa magidi.

²⁹² Ku vitana, Swilemo, leswi a swiri eka Vamatiko. A swi fanele kuva eka Vamatiko, ku lemulela Vamatiko, ku vona Kereke ya

Vamatiko. Hi sweswo ntsena leswi hi swi tivaka. Hi sweswo ntsena leswi hi nga ta swi yingisa; leswi ku nga khale swi hundzile. Hi langutela Yesu.

²⁹³ Mi ri, "Sweswi, yima nyama, Makwerhu Branham, ndzi pfumela leswaku vaya eku endleni ka *leswi*."

²⁹⁴ Singita ro hetelela leri Abraham... Na swona hi Mbewu ya vuhosи bya Abraham; Mutekiwa. Singita ro hetelela leri Abraham a ri voneke loko ku nga se fika singita leri tshembhisiweke... n'wana loyi a tshembhisiweke a nga se ta, a kuri yini? Xikwembu, hi xivumbeko xa munhu, loyi a swi kota ku kambisia mianakanyo ya vanhu; wanuna un'we, ku ngari khume mbirhi; wanuna un'we, swi ngari na mhaka leswaku i vaencenyeti vangani. A vari na Un'we, nakona U kambisisile mianakanyo leyi a yiri kwalahaya. Yini? Na swona, ku humelerile nchumu lowu landzelaka, Abraham na Sarah va tlhelele eka jaha na ntombi. Ha swi tiva sweswo.

²⁹⁵ Sweswi, ndza swi tiva leswaku sweswo swi mi tlimba swintsongo nyana sweswi. Kambe, tsundzukani, ntsena leswaku mi tava na ntiyiso wa ku swi tiva sweswi... A mi hlaiy Bibele kukotisa *leswi*; mi hlaya exikarhi ka tilayini kutani mi vona, mi endla leswaku xifaniso xi ta.

²⁹⁶ Vonani. Sarah a ri mukhegula, ku vurile Bibele. Yena, vona... "Xivelekelo xa yena a xi file." Hi swona sweswo? "Vutomi bya Abraham a byi file endzeni ka yena, mbewu ya yena." Hi swona sweswo?

²⁹⁷ Sweswi, tsundzukani, mbewu ya Abraham a yi file. Endzhaku ka makume mune wa malembe a ri na vana va nkombo va xinuna na wansati un'wana. Xana Xi endlile yini? Xi cincile mimiri ya vona.

²⁹⁸ Vonani, va tekile rendzo ra madzana nharhu wa timayili, ku rhelela eGerar, rendzo ro leha swinene eka mukhalabya. Va ri... .

²⁹⁹ Kutani Sarah a ehleketa leswaku a va nga ha tava na vuxaka bya xindyangu. U te, "Mina..." Makume mbirhi wa malembe kumbe ku tlula, kumbexani, loko va nga seva na vuxaka bya xindyangu. A ku, "Mina ndzi ri xikoxa, na n'winyi wa mina, na yenavu; hi va na ku tsaka nakambe, kukotisa vantshwa?"

Ki ku, "Xana yi kona mhaka leyi nga hlulaka Xikwembu?"

³⁰⁰ Xiyisisani leswi humeleleke. Xikan'we-kan'we u hundzukile a tlhelela eka ntombhi yo saseka. Ku kombisa, lahaya, ku kombisa leswi Xi nga ta swi endla eka Mbewu ya vuhosи bya Abraham, ku amukela N'wana loyi a tshembhisiweke. U tlhelerile eka vunhwana... .

³⁰¹ Langutani, va rhelerile eGerar. Kutani ku humelerile yini xana? Abimelek, hosi, yi n'wi rhandza, yi ku, "U xongile na ku saseka," nakona a yi lava ku n'wi teka. Hi swona sweswo? Kokwani wo khiegula; na hinkwavo vanhwanyana vo

xonga kwalahaya. Kokwani, “U sasekile. U xongile loko u n’wi langutisa.” Wa vona?

³⁰² Xikwembu xi cincile miri wa yena, na ku va tlherisela endzhaku. I xihundla lexi nga ta paluxiwa sweswi esikwini leri, hi N’wana wa munhu, wa vona, Hungu ra ni madyambu. Wa vona? Va tlhelerile endzhaku! Kutani rero a kuri singita ro hetelela leri va ri voneke, a kuri (yini) ku vonisisa kwaloko loko ku cinciwa ka miri ku nga se fika.

³⁰³ Na swona loko hi nga se amukela N’wana, xana ku humeleta yini? “Nanga ya Xikwembu yi ta yimbiwa; lava feleke ka Kreste va ta sungula va pfuka, miri wuntshwa; kutani hina lava hanyaka na lava saleke hi ta cinciwa, hi xinkadyana, hi ku copeta ka tihlo,” haleluya, “hi ta vutleriwa kun’we ehenhla, ku ta hlangana na Hosi empfhukeni.” Xihundla xi paluxiwile; Swilemo swi lemuriwile.

³⁰⁴ Nanga yi yimberile Israel; vaprofeta lavaya vambirhi va lunghekerile ku humeleta. I yini xana? Kereke yi fanele ku suka eka mbono sweswi, leswaku va ta humeleta. Xi ngaka xi nga tirhani na vambirhi hi nkarhi wun’we; a Xi se tshama xi swi endla. Wa vona?

³⁰⁵ Oho, boti, vona! Hakunene, ku vitana hinkwavu, ku va vitanelia ehandle ka tidinominexini na mindhavuko. Sweswi ha swi vona leswaku kereke ya nguva ya pentekosta yi herile.

³⁰⁶ Mutekiwa u fanele ku suka endleleni, ku tlhandlukela ehenhla sweswi; leswaku malandza lama mambirhi, malandza mambirhi ma Xikwembu, eka Nhlavutelo, vaprofeta lavaya vambirhi, va ta humeleta eka mbono, va ta va yimbela Nanga ya Vunkombo, va tivisa Kreste eka vona.

³⁰⁷ Ntsumi ya vunkombo, murhumiwa, u ri, “Vonani Xinyimpfana xa Xikwembu lexi susaka vudyoho bya misava!” Ku ngari, “vonani Methodist ya mina, Baptist ya mina, Pentekosta ya mina.” Kambe, “Rito, N’wana wa Xikwembu, Xinyimpfana xa Xikwembu lexi susaka vudyoho bya misava,” hikuva ku hava masungulo man’wanyani! Ma swi vona?

³⁰⁸ Xana hi na nkarhi wo tani hi kwihi? Mayuda ma le tiko-xikaya ra wona. Mutekiwa u vitaniwile. Kuya hi Matsalwa, hinkwaswo swi hilaha A tshembhiseke hakona. Hi lunghekile. Awara yi kwala.

Matiko ma Fayeleteka, Israel ri le ku pfukeni,
Swikombiso leswi Bibele yi swi bvumbheke;
Masiku ya Vamatiko ya pimiwile, hi swikomu
leswi dzimiweke ehansi;
Tlheleta, O wena u hangalakeke, eka
varikwavo.

Siku ra ku kutsuriwa ri le kusuhi,
 Timbilu ta vanhu ti le ku tsandzekeni hi ku
 chuhwa;
 Tatiwa hi Moya wa Xikwembu, u khavisa na ku
 basisa timboni ta wena,
 Langutisa ehenhla, ku kutsuriwa ka wena ku
 le kusuhi!
 Vaprofeta va mavunwa va le ku hembeni,
 Ntiyiso wa Xikwembu va le ku wu aleni,
 Leswaku Yesu Kreste i Xikwembu xa hina; (hi
 swona sweswo)
 Kambe hi ta kandziya laha vaapostola va
 kandziyeke kona.

Hikuva siku ra ku kutsuriwa ri le kusuhi,
 Timbilu ta vanhu ti le ku tsandzekeni hi ku
 chuhwa;
 Tatiwa hi Moya, timboni ta wena ti
 khavisiwa na ku basisiwa, (mi nga ringeti
 matshalatshala)
 Langutisa ehenhla, ku kutsuriwa ka wena ku
 le kusuhi!

³⁰⁹ Muprofeta u te, “Ku Vonakala ku tava kona hi nkarhi wa ni madyambu.”

Ku Vonakala ku tava kona hi nkarhi wa ni madyambu,
 Ndlela yo ya eVukwetsimelweni kunene u ta yi kuma;
 Endleleni ya mati, ku na ku Vonakala namuntlha,
 Loku ku fihliweke eVitweni ro hlawuleka ra Yesu.
 Lava ntshwa na lava kulu, hundzukani evudyohweni bya n'wina hinkwabyo,
 Kunene Moya lowo Kwetsima wu ta nghena endzeni;
 Malayiti ya ni madyambu ya fikile,
 I ntiyiso leswaku Xikwembu na Kreste va Un'we.

³¹⁰ Hi kwala! Hi le makumu. Sweswo a hi nchumu wun'wana wa vuphukuphuku bya munhu ntsena. Sweswo hi LESWI HOSI YI SWI VULAKA.

A hi korhamiseni tinhloko ta hina.

³¹¹ Xikwembu lexi tsetselelaka, Yehovha, wa Matimba hinkwawo loyi a duma-dumeke eNtshaveni ya Sinai; ivi vanhu va huwelela, “A ku vulavuli Muxe, ku ngari Xikwembu, hi nga ta fa.” U te, Yehovha Lonkulu, “Ndzi ta va pfuxela Muprofeta. A ndzi nga ha ta vulavula na vona nakambe hi ndlela leyi.”

Kambe U tshembhisile leswi U nga ta swi endla, nakona U swi endlile; U hi pfuxerile Hosi Yesu. Hi yena Rito. U vurile leswaku A ri rona. “Eku sunguleni Rito a ri ri kona, nakona Rito a ri ri na Xikwembu, kutani Rito a xi ri Xikwembu. Kutani Rito ri endliwile nyama, na ku tshama exikarhi ka hina.”

³¹² Hi vona swilo leswi A hi profeteleke swona, hi muprofeta wa Yena, Yohana, exihlaleni xa Patmos. Hi swi vona swi ri eku hetisekeni, kuya eka letere. Hi vona Moya lowo Kwetsima wu vonakarisiwa exikarhi ka hina kwala misaveni. Hi vona tidinominexini ti N'wi veka ehandle ka kereke; Rito. A ti na nchumu ku lwisana na vanhu; i Rito rero leri va ri vengaka. Ri lwisana na ndhavuku wa vona. Ntsena tani hi loko Wa hari kona emisaveni, a Wuri Rito, nakona a Wu lwisana na mindhavuku ya vona; kutani va Ku cukumeterile ehandle ka tikereke ta vona, hinkwako.

³¹³ Kutani sweswi, Hosi, ku hava ntirhisano, hinkwako. Ku ringeta hambi kuri ku nghena e Afrika Dzonga, laha a ndzi tiva kuri na mimoya leyi ya ha rindzeleke. Ndhawu yin'wana na yin'wana, kutani swi tikomba ingaku va ngaka va nga ndzi amukeli, Hosi. Ku ngari hikwalaho ka mina, Hosi; hikokwalaho ka Hungu leri. Kambe, U vurile leswaku swi tava hi ndlela leyi, nakona U swi tivisile eka hina leswaku hi nga hetiwi matimba. Ha yi tiva awara leyi hi hanyaka eka yona.

³¹⁴ Xikwembu, vanhu lava va tshamile lahawani mixo lowu, endzeni ka leyo hisa, kamara leyi yi bakaku. Va yingiserile hi vukheta. Va vona sweswi, ndza tshembha. Loko va nga voni, va paluxeli swona, Hosi, leswaku hikokwalaho ka yini U nga ndzi pfumelelanga ku teka Tinanga letiya. Ndza swi vona leswaku ti hava xo xi endla eka hina. Kwalahaya eka Nanga ya Vuntsevu, swi humelerile hinkwaswo, nakona hi hetile ku vona ku lemuriwa ka Xilemo xa Vuntsevu. Na swona hi vonile xivono lahawani, mavhiki mambirhi lama nga hundza, xa nkombiso wa Mutekiwa na kereke, tani hilaha ndzi swi vuleke lahawani. Tani hilaha U ndzi kombiseke hakona, Hosi, ndzi swi vurile. Hi hina lava. Swi ngava swiri ekusuhi ku tlula hilaha hi ehleketa hakona.

³¹⁵ O Tatana, loko ku ngava kuri na munhu lahawani mixo lowu, loyi—loyi a nga ha kuva na vuvehli, nkucetelo wun'wana wa ntivo vukhongeri, kumbe rito ra mutivi un'wana wa swa vukhongeri leri hambaneke na Rito ra Xikwembu! Nakona va nga n'wi tivi Kreste wa xiviri, Moya lowo Kwetsima wa xiviri. A ri se paluxiwa eka vona, Rito, hambi swiri tano, hilaha Rito ri nga tava xiswona hi siku leri. Va vona ndhavuku ntsena. Va hanya eka—eka Layiti leri ri tlunyaka. Kukotisa vuphanghi lebyikulu lebyi nga tshama byi endliwa emisaveni, a byiri eNghilandhi, byi endliwile hi layiti ya vuxisi. Vuphanghi lebyikulu lebyi kereke ya N'wina yi nga tshama yi byi endla, byi

vile loko va tekile layiti ya xidinominexini na ku ala Layiti ya xiviri ya Bibebe, ku nga Kreste.

³¹⁶ O Xikwembu, vana na ntsentselelo! Ponisa lava lahlekeke, Hosi. Ndza kombela, ndzi kombela ntsena xinkadyana nyana, Yesu. Hi na varhandziwa va hina. Ntsena xinkadyana nyana. Ku ngari khale Ribyi leriya rikulu ri ta tsemiwa ri suka entshaveni. Hi nyike, Hosi, loko ku ngava kuri na un'wana loyi a nga riki na Wena mixo lowu, ingaku va nga nghena sweswi, hi ku olova, kutani va Ku amukela.

³¹⁷ Loko ha ha korhamisile tinhloko ta hina. Loko mi nga yimisa mavoko ya n'wina, mi ku, "Ndzi tsundzuki, Makwerhu Branham." Hi hava... Tialtari na swin'wana swi tatiwile. Xikwembu xi mi katekisa. Ntsena mi nge, "Ndzi tsundzuki." Xikwembu xi mi katekisa. Xikwembu xi mi katekisa. Xikwembu xi mi katekisa. Hi xidzi ntsena ku na madzana-dzana ya mavoko!

³¹⁸ Tatana, Xikwembu, ku na ndzhuti lowuntsongo kun'wanyana. Wu susi, Hosi. Va tshamile kwala kamareni ley. U nga... Sathana a ngava a va pfarile matihlo ya vona, eminkarhini ley i nga hundza, kambe ndza khongela leswaku U ta copetela sweswo, tani hilaha U hi endleleke swona emasikwini yotala lawa ya hundzeke. Kambe sweswi U hi vitanelaka eku voneni... Bibebe yi vurile leswaku a va file matihlo. A va nga swi tivi. Yi ku, "Ndza ku khongotela leswaku u ti xavela eka Mina emurhi wa matihlo." Xikwembu, tirhisa murhi luwa mixo lowu ematihlweni ya vona, leswaku va ta vona. Hambi leswi yi tsongahatekaka, exikarhi ka vanhu lava va titsongahata; na ku titsongahata, ku kala dyondzo, na swin'wana, kambe hambi swiri tano hi yona ndlela ley i a swiri xiswona emasunguleni. Hi nyike swona, Hosi, leswaku va ta Swi amukela sweswi. Ndzi va nyikela eka Wena, hi Vito ra N'wana wa Wena, Yesu.

³¹⁹ Kutani U te, "Loyi a yingisaka Rito ra Mina." Ndza tshembha, Hosi, hi vutivi bya mina lebyo flurisa, va Ri twile. "Kutani a pfumela eka Loyi a Ndzi rhumeke," ku ngari ku pfumela hi ku tiendlisa, kambe ku pfumela hi xiviri, na ku pfumela leswi Rito ri swi vuleke. "U na Vutomi lebyi nga heriki, kutani a ngaka a nga ti eku Avanyisiwени; kambe u sukile ekufeni eku nghena eVuton'wini." Yohana 5:24.

³²⁰ Hi nyike, Hosi, leswaku va tava va Wena, ku suka eka awara ley i kuya emahlweni. Loko ku ngava kuri na ku hlamatemiehlekeweni ya vona, ku humesi. Loko kuri na muvabyi exikarhi ka hina, pfumelela Moya lowukulu lowo Kwetsima, Hosi, ... Lowu, ndzi swi tivaka leswaku wu kona; na ku paluxa mianakanyo, ndzi yimile laha eka platifomo. Va tiva hinkwaswo mayelana na swona. Ndza khongela leswaku U ta va horisa, Hosi. Tshamisekisa swivutiso hinkwaswo.

³²¹ Xidziva xi tava xi pfulekile eka lava nga se tshamaka va petiwa hi Vito ra Yesu Kreste, ku teka Vito ra Muteki. Va na ra xidinominexini, ra xikereke; ku hava na un'we loyi a nga tshama a khuvuriwa hi swiyimela vito sweswo swa “Tatana, N’wana, na Moya lowo Kwetsima,” kumbe ku haxiwa; na swilo leswi swa mindhavuku leswi welaka etikerekene ta nguva ley, pfhumba ra anti-Kreste, xifaniso xa xivandzana. Ku hava na un'we loyi a nga tshama a khuvuriwa hi Vito ra “Tatana, N’wana, Moya lowo Kwetsima,” kukondza ku fika kereke ya Khatholiki. Bibele hinkwayo, na matimu hinkwawo, endzhaku, ya vula leswaku va khuvuriwile hi Vito ra Yesu.

³²² Paul u vurile, eka Vagalatiya 8:1, “Hambi loko Ntsumi ya le Tilweni yi nga ta yi ta chumayela Evhangeli yin’wana, a yi rhukaniwi.” Nakona U lerisile vanhu lavaya va khuvuriweke ehansi ka Yohana, yaluya a khuvuleke Yesu, ku ta va ta khuvuriwa nakambe hi Vito ra Yesu Kreste, eka Mintirho 19. Kutani a ku, “Mi nga pfumelei hambi kuri Ntsumi yi mi byela swin’wanyani.”

³²³ Ku ta ta murhumiwa hi siku ra makumu, u ta letela vanhu ku tlhelela eka muhandzu wo rhanga, ku tlhelela eka Ripfumelo ra xiviri. Hi nyike swona, Hosi, leswaku Murhumiwa lonkulu exikarhi ka hina sweswi, Kreste lonkulu, Moya lowo Kwetsima lowu tiseke ku pfuleka ka mieleketo, lowu endleke ku twisisa, ku pfula Rito na ku hi paluxela Rona, ingaku Wu nga va letela ku tlhelela endzhaku eka ra xiviri, Ripfumelo ra xipentekosta. Tani hilaha Petro a vuleke, hi Siku ra Pentekosta, “Hundzukani, hinkwenu ka n’wina, kutani mi khuvuriwa hi Vito ra Yesu Kreste eku rivaleriweni ka swidyoho.” Nakona swi vile hi ndlala yaleyo minkarhi hinkwayo, eka munhu un’wana na un’wana, kukondza ku fika kereke ya Rhoma eNicaea.

³²⁴ Xikwembu, tsetselela sweswi. Xidziva xi tava xi lunghekile; timbilu ti pfulekile. Nghena endzeni, Hosi Yesu. Hi le ka tiawara to hetelela. Loko swi nga koteka, Hosi, kuva va nghena hi awara ley; leswi, ndzi pfumelaka na ku tshembha leswaku swi kona. Kutani hina lava nga endzeni, Hosi, ingaku hi nga hlaya xitoko sweswi, leswaku hi vonile na ku twa Rito ra Xikwembu ri vulavula hi Rito ra Xona, na swona ha yi tiva awara ley hi hanyaka eka yona. Hi nyike swona, Tatana. Hi va nyikela eka Wena, hi Vito ra N’wana wa Wena.

³²⁵ Sweswi loko ha ha korhamisile tinhloko ta hina.

Hi ku olova na musa Yesu wa vitana,
U vitana wena . . .



NKHUVO WA TINANGA TSO64-0719M
(The Feast Of The Trumpets)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mawuwani 19, 1964, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org